


金石萃編


百四十二之四



漢書門			
二	四	七	三
六	三	六	三
六	三	六	三
冊	架	函	號

內閣文庫			
五	四	七	三
函	六	三	三
一	七	三	三
架	冊	號	類

內閣文庫	
番號	漢 2473
冊數	63 ( 57)
函號	297 110



金石萃編卷一百四十二

賜進士出身 誥授光祿大夫刑部右侍郎加七級王祖謨

宋二十


郟陽縣戒香寺碑

碑連額高五尺二寸五分廣二尺七寸四分二十行行三十字連額並正書

淺草文庫

郟陽縣重興戒香寺碑

近據臨洽鄉百里社僧文才陳狀元係河中府榮河縣開元寺十王院授業於紹聖貳年拾壹月中巡禮到同州郟陽縣臨洽鄉百里社本邨全社人張志用等請文才住持本社古蹟有額



戒香寺壹所初見本寺名額年歲深遠累經霖雨損壞  
了碑額欲乞移牒本州造帳司勘會本寺從初係省帳  
并  
勅賜名額照憑出給收執所貴久遠住持伏乞指揮尋  
行勘會得僧文才住持戒香寺別無違礙及打錄到本  
寺舊來開元拾貳年 戒香寺碑文尋牒造帳司照會  
去後卻准本司牒稱尋將累年申 省僧道等文帳照  
會得上件

戒香寺係古蹟常住地土房舍

勅額存畱 檢准天禧貳年四月貳拾柒日

赦勅節文係帳拘管請將前件置碑 及重興

勅賜年月日照會仍請指揮前件僧文才等常切看管  
住持及自今後依例供申僧行文帳施行

右給重興公據付臨洽鄉百里社張志用并僧文才  
等同共住持上件

戒香寺每年供申僧行文帳施行

紹聖四年拾月拾六日住持戒香寺主僧文才并書

縣尉武 右班殿直監酒稅權主簿陳 宣義郎知縣

事口 朝散郎通判知軍州事鄭 本寺地一頃下院

豆莊興善寺地四頃余

朝散大夫充寶文閣待制知軍州事呂

紹聖五年四月初八日立石記 刻字薛隱

韓宗厚墓誌

石高廣俱三尺九寸三十七行行三十七字正書在許州

宋故承議郎充慶成軍使兼知河中府榮河縣及管內勸農事驍騎尉賜緋魚袋韓府君墓誌銘

朝散郎前通判永興軍府兼管內勸農事兼陝西制置解鹽司句當公事上輕車都尉賜緋魚袋朱光裔撰

朝請郎充集賢殿修撰知鄧州軍州兼管內勸農事

兼京西南路安撫司公事上柱國賜紫金魚袋杜紘

書

朝請大夫管句西京嵩山崇福宮上柱國賜紫金魚

袋吳安常篆蓋

紹聖元年六月廿九日承議郎慶成軍使韓君卒於官所享年五十三越四年九月廿二日葬於潁昌府長社縣嘉禾鄉靈井里先塋之次嗣子狀君世緒德美折予曰先君之葬有日矣敢請銘尙顯揚於不朽予惟親友之契不宜以固陋辭君諱宗厚字敦夫潁昌府長社人也曾祖諱保樞贈太師開府儀同三司陳國公

祖諱億皇任太子少傅致仕贈太師開府儀同三司吳國公諡忠憲考諱緯皇任尚書比部郎中知解州贈右光祿大夫晉祖妣郭氏周氏並封陳國太夫人祖妣蒲氏王氏並封吳國太夫人母仁壽縣太君李氏故太子少傅致仕諡康靖李公之女君以康靖公蔭補太廟齋郎初任徐州縣主簿秩滿授江寧府上元縣主簿大興水利溉汚萊爲良田者至二千七百餘頃創爲堰閘視時水旱而均節之民獲其利歌詠載涂丞相王文公爲守上其狀於朝以勞應格特轉光祿寺丞文公知其才事多委於君以辦治稱知溫州永嘉縣簽書天平軍節度判官廳公事河決曹邨口水暴至城下危在漏刻君建議浚古黃河故道以殺其勢太守而下畏避不決君請獨任其事水一夕而涸郡民樂在父爲人毆傷在往報之更廿五日而卒獄具當抵死君曰父被困辱而爲此情有可矜太守嘉其議爲讞於朝得減死論孫宗者以忿殺人吏鬻其獄罪止於杖君摘發姦狀卒致於法歲饑詔貸常平種錢有司并給仕宦之家君以爲非朝廷惠養困窮之意不當濫及遂止簽書鎮安軍節度判官廳公事時有劇賊未獲捕者利重賞執小盜以告因交通獄吏鍛鍊成罪君


臨訊立辨其誣爲正其獄後竟獲真盜一郡稱爲神明  
京畿積水爲害議者欲隨勢疏決自陳達於蔡河君  
曰陳地卑下歲苦流潦今又并受衆水是使鄰境爲壑  
民必受弊事亦不行君自光祿寺丞四遷至承議郎  
賜六品服娶張氏封仙源縣君再娶朱氏封長壽縣君  
男八人理太廟齋郎卒琬郊社齋郎瑛瑤未仕餘皆早  
亡女四人長適前登州防禦判官劉復次未嫁而卒二  
在室孫二人君天性樂易通敏篤好學問屬文口速  
而壯麗可喜有文集百卷藏於家光祿公口館養母夫  
人左右順適得其歡欣歲時甘珍之奉雖遠必致君  
之亡也母夫人悲思曰天奪我孝子矣韓氏大家君  
處尊口間曲盡敬愛遇人推誠相與久而益親長於吏  
治雖案牘叢委一視察其隱伏吏人畏惕不敢欺屢佐  
顯人事有不可者守正不移雖在卑宦以氣節自任練  
達當世之務嘗上書言元祐間更按問法天下斷獄死  
者滋衆請復舊條乞比較州縣獄死之囚數多者行罰  
皆根於仁厚之意王文公爲世儒宗樂教育後進君  
嘗執經請益得其精微之旨旣輔政同時預文席者多  
被薦擢屢欲用君而輒齟齬不諧通塞之分豈人力  
也哉銘曰

夙稟軼才 自負奇志 訊經儒宗 究極精義 篤  
於內行 竭孝奉親 恩均宗黨 愛譽欣欣 當官  
而行 弗倚弗比 平反庶獄 建設長利 竝游之  
俊 方駕騰驥 君口不偶 命也何傷 屈於遠用  
尙有修名 刻石垂休 後裔其承

穎川古翔刊字

宗厚韓億之孫緯之子東都事略無緯傳故宗厚亦  
不見于史按碑載宗厚歷官自光祿寺丞四遷至承  
議郎賜六品服所涖之地多能興水利斷疑獄文繁  
不具載又云嘗上書言元祐間更按問法天下斷獄

死者滋衆請復舊條乞比較州縣獄死之囚數多者  
行罰事皆可傳又云王文公爲世儒宗樂教育後進  
君嘗執經請益旣輔政屢欲用君而齟齬不諧是宗  
厚不附安石尤可嘉尙蘇軾以爲王氏之學好使人  
同已化天下皆爲王氏之學一望皆黃茅白葦蓋是  
時如宗厚者固少矣杜紘字亦有唐人風格碑云葬  
于穎昌府長社縣嘉禾鄉靈井里先塋之次是亦祔  
億也今方志亦載億墓而遺宗厚墓中州金石記  
按韓宗厚爲億之孫誌云祖諱億皇任太子少傅  
致仕贈太師開府儀同三司冀國公謚忠憲宋史



億傳云以太子少傅致仕卒贈太子太保謚忠獻  
與誌不同東都事略亦贈太子太保而謚作忠憲  
與誌同誌云潁昌府長社人億傳云其先真定靈  
壽人徙開封之雍邱宋史地理志潁昌府本許州  
元豐三年升府此誌刻於紹聖四年故稱潁昌府  
長社縣是其所屬縣有嘉禾鄉卽韓公葬所然則  
史作雍邱人者豈韓億時遷雍邱而其子若孫再  
遷長社史不及書歟然何以此誌又不云自雍邱  
遷也億有八子綱綜絳繹維縝緝緝宗厚爲緯之  
子是億之第七子所出而位不甚顯功業又無可

述故史傳所不及誌云君以康靖公蔭補太廟齋  
郎康靖李公爲宗厚之外祖蓋用外祖蔭入仕也  
此誌撰者朱光裔書者杜紘篆者吳安常史惟杜  
紘有傳字君章由右司郎中大理卿以直祕閣知  
齊鄧二州復爲大理卿權刑部侍郎加集賢殿修  
撰爲江淮發運使知鄆州此誌系銜則知鄧州時  
已充集賢殿修撰傳與誌異也

真武經

石刻字處高三尺五分廣二尺作三層書  
每層三十一行行各十七字正書在嵩山

元始天尊說北方真武經

文不錄



宋元符二年歲次己卯正月甲辰朔二十八日辛未  
河南宋溥書并立石

武宗孟畫

張士寧刊

元符二年宋溥書宋未有名而其書秀雅可觀頗似  
趙文敏且嵩碑記絕無小正書錄之嵩陽石刻記

韓宗道墓誌

石高廣並四尺二寸四十分行行四十字正書在許州

宋故通議大夫充寶文閣待制上柱國南陽郡開國侯  
食邑一千三百戶致仕韓公墓誌銘并序

朝奉大夫充集賢殿修撰知泰州軍州兼管內勸農

事上輕車都尉曾肇謨

朝請郎試中書舍人兼侍講上輕車都尉賜紫金

魚袋趙挺之書

左朝議大夫寶文閣待制知潁昌軍府事兼管內勸

農使京西北路安撫使柱國吳安持篆蓋

太中大夫寶文閣待制知杭州兼兩浙西路兵馬鈐轄

上柱國南陽郡開國侯食邑一千三百戶韓公諱宗道


字持正年七十有一上書謝事其言優詔許之遷通

議大夫命未至公卒于位三子曰璩曰瓌

河南府軍巡判官曰珙承務郎皆前死一孫昺郊社齋

郎其弟朝散郎宗直請于公朝往護公喪既而枉道過予為公請銘子與公同時為郎尚書已而偕為從官既故且戚銘其可辭韓氏世家常山自累贈太師開府儀同三司吳國忠憲公諱億以文學起家致位政府始葬其父累贈太師開府儀同三司陳國公諱保樞于潁昌府之長社縣遂為潁昌人忠憲公八子二為宰相一為門下侍郎一知制誥知制誥者諱綜累贈太尉公考也世德淵源其來有自至公三世而盛大光顯實幾百年其間魁壘傑出為一時之望者相繼有人至於孝謹恂恂行稱於家材見於事者亦多可紀公其一也

公孝友慈祥自少無子弟之過事諸父盡子職不獨於其親然也其遇人豁然不立哇眈其為吏廉平無私所至勤勞公家不簡細故雖貴且老未嘗怠以止也其為近侍中立不倚不事夸奪雖有忤心者莫之忌亦莫得而侮也故在家為賢子在官為能吏而在朝廷為良士孔子稱詩之夙夜匪懈又曰無忝爾所生以為大夫士之孝若公可以當之矣初公以忠憲公恩補將作監主簿三遷大理評事監潁州商稅務會汝陰闕縣令號多職田前攝事者垂得口入而州俾



公代 公辭不得則過職田期而后往代時

公年尚少眾伏其廉嘉祐四年鑱其廳中進士第知越州餘姚縣 公仕穎已有能聲至是摘姦字良治行

益白歷監在京皮角庫簽書彰德軍節度判官事歲饑請發官粟貸貧民民賴以濟熙寧初知巴州時

天子進用二三大臣鼎新政事 公以名家子有聞於時近侍多薦 公宜在臺閣大臣亦雅知 公

會 公叔父康國公去相位即擢 公成都府路轉運判官兼管勾常平農田水利差役事講議法制必究利病因革損益視理如何不務紛更不膠舊貫繇是

一時同事者初雖異意卒皆絀已從 公服其平正


而凡有改爲蜀人不知其擾入爲開封府判官復出提點河北西路刑獄徙淮南西路轉運副使兼提舉常平市

易事入遷尚書工部郎中時市易法初行任事者希功旁緣漁奪 公數裁之不聽則致之于理 朝

廷聞之遣官行視任事者得罪去 公亦徙知廬州蓋 公當官不撓其守類如此歷知鳳翔府潞州官

制行召爲尚書戶部郎中使契丹還歷太常太僕少卿尚書左司郎中太府卿元祐三年擢權戶部侍郎均節


食貨號爲稱職真拜刑部侍郎未幾復爲戶部以寶文



閣待制權知開封府聽決平恕不事苛察守中循理不  
苟虛譽歲餘復還戶部五遷太中大夫紹聖初除寶文  
閣直學士知成都府以喪子辭求便郡迺以待制知陳  
州徙青州兼京東東路安撫使又徙瀛州兼高陽關路  
安撫使又徙杭州卒時紹聖四年七月甲子也元符二  
年七月十四日葬長社縣嘉禾鄉附 忠憲公兆

公在朝數言事嘗請擇守令明黜陟以覈能不立嫁  
娶喪祭之制使貧富各安其分 詔有司節浮費  
興遺利量入爲出以制國用它所建白類如此有文集  
二十卷藏于家 母劉氏追封韓國太夫人妻薛氏

追封許昌郡君一女適祠部員外郎宋景年孫女三人  
長適西京伊陽縣主簿宋晟餘尙處銘曰  
有倬韓宗 肇自龔公 子孫馮厚 益熾而崇 有  
公有孤 曰仲叔季 亦有持橐 從容風議 猗與  
南陽 克紹厥世 豈惟勢榮 德亦是似 崛起于  
少 吟哦六經 出偕寒雋 擢第王庭 迺使四方  
明國若否 迺將八州 宜民父母 地官之亞  
天府之長 在人無非 在己無枉 旣果於退 亦  
全其歸 命書在道 歿有光輝 潁川之郊 其原  
膺膺 苛矣無忤 往從父祖



宗道韓億之孫綜之子東都事略韓綜傳云子宗道  
元祐初爲戶部侍郎寶文閣待制餘無所及宋史亦  
同碑述宗道在朝數言事嘗請擇守令明黜陟以覈  
能不立嫁娶喪祭之制使貧富各安其分詔有司節  
浮費興遺利量入爲出以制國用有文集二十卷可  
補史之缺碑字亦完好今億碑在許州城東北三十  
里碑云葬長社縣嘉禾鄉耐忠憲公兆是耐億葬也  
方志失載宗道墓非是趙挺之宋史有傳書史會要  
稱其工筆札其蹟襍見鳳墅續法帖中蓋未覩此碑

中州金石記

按韓宗道爲綜之子綜爲億之第二子宋史有傳  
字仲文累遷刑部員外郎知制誥卒不言贈太尉  
史之畧也傳附載宗道爲戶部侍郎寶文閣待制  
據誌則除寶文閣直學士知成都府以待制知陳  
州青州徙瀛州杭州卒史俱畧之此誌叙其貫則  
云韓氏世家常山自億始葬其父保樞于潁昌府  
之長社縣遂爲潁昌人然則遷潁昌自億始較宗  
厚誌加詳而亦不言遷自雍邱誌叙三子一孫于  
前而末乃及其母妻一女三孫女是又一例也誤  
者曾肇書者趙挺之篆者吳安持史皆有傳肇字

子開羣弟坐罪降爲滁州稍復集賢殿修撰歷泰  
州海州挺之字正夫密州諸城人由知楚州入爲  
國子司業歷太常少卿權吏部侍郎除中書舍人  
給事中不言其兼侍講安持附見吳充傳充子安  
詩弟官都水使者遷工部侍郎終天章閣待制此  
系銜寶文閣待制知潁昌軍府史全畧之

州學二大字

石高六尺六寸廣三尺五寸五分州字方二尺三  
寸學字廣二尺五寸高二尺九寸正書在東平州

翰林院承旨蔡卞題

州學

元符二年中元前一日

按蔡卞爲京弟傳稱紹聖元年復爲中書舍人兼  
國史修撰遷翰林學士四年拜尚書左丞而不言  
其爲翰林院承旨其於鄆州亦未嘗歷官不知何  
以有二大字姑存之備攷

鄆縣利師塔記

碑連額高四尺五寸廣二尺二寸五分共十八行  
行三十二字額題宋故利公塔記並正書在鄆縣

宋故京地府鄆縣白雲山主利師塔記

講經律論臨壇僧道雅書并題額

夫寂滅之道寒暑無以迭遷妙極之源生死無以交謝

良由空華生乎翳目輪轉出乎妄心若匪大明難除重  
闇况迺滅無所滅生無所生身存身亡誰取誰捨不以  
驚懼于懷者卽白雲和尚矣師諱得利字子益姓王氏  
京地府高陵人也祖父並儒門之士母性仁慈始自幼  
年不爲童戲宿植善本深慕靈門誓志出家辭親棄俗  
遂依鄆縣白雲山淨居禪院守鑒大師肄承佛業朝參  
夕奉未嘗懈然於天禧三年慶蒙眷澤削髮受具著如  
來衣脫三界之塵累履一真之正路宏道爲美積德爲  
欣乃南訪禪宗研味經律定根益固慧目增明旣還白  
雲住持淨刹締構華宇繪飾聖容不以榮辱而見憂喜  
非施則不受非時則不食焚誦無綴孜孜是務持法華  
金剛上生三經計十大藏由是心地無塵慈雲有潤德  
風遠振高譽遐飛復詣鄉邑住毗沙隆昌寺度小師一  
人法稱惠滿實慶曆三年 軋元聖節試中經業抑  
亦性閑了義續慧炤以長暉拔濟含靈俾正法而悠久  
自非師資敦遇宿契宏因者何其使然耶師以治平三  
年十一月十一日託疾而化僧臘四十七俗壽七十一  
門人惠滿茶毗收骨瘞于幡竿村古佛院所迄元符元  
年建成窳堵每歲開闡真乘仰伸報効以其先師之道  
業願得爲記余深愧無文直而書之二年己卯十月庚

子廊時趙宗輔記

元孫善明 宗緣 曾孫澄愚 澄意 澄觀 澄

照 澄譽 澄月 講金剛圓覺經僧澄靖 孫講

圓覺經僧道因

小師講經律論傳戒僧惠滿立石 安民刊

永泰陵採石記

碑連額高一丈四寸廣五尺二寸二十三行  
行三十六字正書篆額在偃師縣永泰寺

大行哲宗皇帝以今年正月十二日己卯奄棄萬國

朝廷循故事遣官採石修奉 陵寢孝廣被 詔同文

思使羅允和宮苑副使帶 御器械變文兩實董其事

凡辟文武官朝請郎孫熙以次及部役等二十有六員

以二月十日丁未開山至五月十一日丁丑畢功取大

小石二萬七千六百有餘視元豐八年蓋增多五千二

百七十有二焉凡役兵匠九千七百四十有四取石既

夥懼役兵疲困而功不時集復請募近縣夫五百俾悉

挽巨石以訖其事然屬運寒氣痛自京都逮於四方人

多疾疫而况大山深谷之間嵐霧蒸鬱朝暮被冒病者

宜甚於是時其藥食至覆藉之具無一不備仍分處太

醫各俾診治日且躬行巡視由是病者千七百餘人而

不可治而死者蓋亦百釐之二逃者纔五十人耳聚者



既衆不患食不足常患水不給山之東南舊有碾子一  
泉方春日用且乏乃並西於桃花谷天井泉至谷口凡  
四里續大竹二百二十有四引水日二千餘缶於是水  
給而無渴飲之患前此興作而死者皆留瘞山中及功  
畢往往不復完掩今迺奉制悉給錢焚收置斂具以  
歸其家居山土人皆云每至久積陰晦常聞山中有若  
聲役事之歌者意其不幸橫天者沉鬼未得解脫逍遙  
而然乎於是大集浮屠衆恭作佛事卽重五晝夜爲設  
冥陽水陸金籙寶符無礙道場以薦拔其苦於其生者  
旣足飲食具醫藥所以撫恤之無不至於其死者又置  
斂具設佛事所以度脫之無不盡此無它蓋以謂興大  
役舉大事使人人忘勞而赴功是亦臣子遵奉之志耳  
故不敢不勉云元符三年五月十二日朝奉大夫都水  
使者都大提舉採石曾孝廣謹記

河南府福昌縣主簿提舉採石醫藥韓思永書并篆  
宮苑副使帶御器械同都大提舉採石文昞立  
石 緜山霍希範霍亮霍奕刻

億按永泰陵哲宗墓地也于時修奉陵寢首是役者  
爲朝奉大夫都水使者都大提舉采石曾孝廣案孝  
廣字仲錫元豐末爲都水丞元祐中大臣議復河故

金石錄卷一百四十二  
道名孝廣問之言不可出通判保州久之復爲都水丞見宋史本傳今碑言都水使者卽其職也然于孝廣都大提舉採石竟不附見史文其亦有所未及與宋史禮志拓宗崩徽宗卽位詔山陵制度並如元豐今案碑云取大小石二萬七千六百有餘視元豐八年蓋增多五千二百七十有二然則有司踵事奉行益爲崇侈其靡費已至此而史因依詔文書爲並如元豐其信然與

偃師金石錄

### 二陵採石記

碑連額高八尺一寸廣四尺三寸二十行行三十二字連額並正書在偃師縣

建中靖國歲在辛巳正月乙亥欽聖憲肅皇太后上僊遺詔追尊故皇太妃爲皇太后是爲欽慈皇太后於是山陵園陵二役並作太史請以五月丙寅復土而採山之役自昔爲重祇奉陵其用實倍事嚴期迫上下憂懼朝廷始更用郎官往護其役迺詔遣尙書都官郎中曾孝序都督之而以如京使帶御器械麥文炳西京左藏庫副使提點孳生馬監高偉爲之副辟置其屬分督庶務二十有九人集七路匠師與夫陪役之兵以指計者九萬六千三百三十石之拔類者其脩至二十有二尺其廣

踰尋其以枚計者二萬七千一百有奇役實始於正月  
癸未而終於三月壬午蓋六十日而奏畢若匠若兵  
或死或亡纔二十有九人論者以爲敏而赴功燕及其  
衆仰惟憲肅皇太后有大功於朝主  
上誠孝充塞天地當此之時百神莫不効職事之所以  
獲濟豈小臣之力哉故例皆立碑以紀歲月僚佐有請  
顧安得以獨無於是乎書建中靖國元年三月二十六  
日朝散郎守尙書都官郎中都大提舉採石護軍賜緋  
魚袋曾孝序謹記

前河中府河東縣尉都提舉採石所管句文字史恂

仲題額

朝奉郎監西京偃師縣緱氏鎮管句城內煙火事兼  
稅場驍騎尉賜緋魚袋孫靡書

西京左藏庫副使提點開封府界葦生馬監同都大  
提舉採石高偉

如京使帶御器械句當翰林司提點萬壽觀公事  
同都大提舉採石麥文炳立石 彭臯刻字

億按二陵一爲神宗欽聖憲肅向皇后一爲欽慈陳  
皇后並陪葬永裕陵者也宋史徽宗紀建中靖國元  
年正月甲戌皇太后崩遺詔追尊皇太妃陳氏爲皇

金石錄卷一百五十二  
太后碑所記皆合然少有異者惟云正月乙亥欽聖  
憲肅皇太后上僊與史較後一日碑當時所述當不  
誤又攷碑之記在是年三月二十六日文內已首稱  
二后謚攷之紀乃云四月甲午上大行皇太后謚乙  
未上追尊皇太后謚方作記時謚號尙未定文獨豫  
稱何也此必立石時追紀及此耳記出之曾孝序孝  
序見忠義傳叙其歷官自初筮仕以至死職皆未言  
當建中靖國元年爲朝散郎守尙書都官郎中又兼  
使職如今碑所載都大提舉採石護軍賜緋魚袋而  
史並從畧今得之於此碑又可寶也  
偃師金石錄

### 三十六峯賦

碑高七尺五寸廣三尺六寸共二十六行行六十六字行書在登封縣

### 三十六峯賦 并叙

四明樓異試可

武林僧曇潛參寥書

監寺僧宗證題額

余少聞洛邑之盛在唐宋爲東西都而山川形勝之富  
視它州爲傑觀昔韓退之白樂天見於歌詩形容勝槩  
有詠歎不足之意後歐陽文忠與梅謝諸賢相繼爲僚  
友數遊嵩少間至今以爲羨談余幸以不敏得令嵩高

縱觀諸境未有過少室者而巉巖聳拔乃在戶牖間朝  
夕博望歷二可數因作三十六峰賦以自廣非敢竊比  
古詩之流云

伊浮雲之公子兮訪道於林丘而棲神於巖谷超然有  
游方之志兮乃東升于岱頂而西謁于華麓雖衡陽之  
南兮与夫恒山之北靡不窮探歷踐兮游心而騁目獨  
怡然而忘歸兮內欣然而自足忽御風而行兮排空濛  
而造中域徐睥睨以四顧兮意惚恍而有失適嵩高之  
丈人而問津兮曰游四方而真有得何高之不登兮何  
危之不陟今乃西望兮岌然而聳特雄柱天綱兮橫亘

於地軸連絡偃覆兮龍盤而虎伏雖華以九而巫以十  
二兮曾未覩奇峰之六二丈人放杖而笑兮秋水方至  
而河伯自溢子烏觀海若之難匹兮獨不聞中天之少  
室其高則嶢峴崢嶸岑巒第兮十有六里而疊有十  
八其深則環紆縈繞盤糾糾錯兮上方十里而周圍一  
百包嵩陽以作鎮兮截輾轅以爲郭眷歌山之所聞兮  
觀舞水之所樂其上則有嘉禾甘菓兮神芝與仙藥石  
柱若承露之盤兮帝休若楊枝之葉石脂所滴兮飲之  
可以長上古玉膏在巔兮服之可以揖羽客雲母之井  
兮寶所聚光明之穴兮晝所鑠一丈之鍾乳兮可殮干

歲之資糧兮不絕其中可避兵水之災兮自有經書之  
博其神異則玉女爛織錦之文兮金人迷白露之落雲

洞警時聞之鍾兮石井泣哀鳴之鶴王子晉環之以為

壘兮阿育王寶之以為塔潘岳記曰少室山有十八壘

山上十元郡國圖志曰少室山其高十六里山

海經曰少室之山有木焉名曰帝休葉如楊其枝五衢

郭璞曰少室山巔有白玉膏服之得仙郡國志曰少室

有金像人往視則有白霧起迷人道書曰少室之陽可

避兵水之災嵩山記曰少室山有雲母井出雲母神仙

傳曰少室山有自然五穀甘菓神芝仙藥周太子晉學

道上仙有千年資糧留於山中下有石室中有自然經

書自然飯食與世無異石室前有石柱似承露盤有石

脂滴下食之一合與天地畢郡國志又曰有王子晉墨

猶有九十年資糧在山中河南志曰歌山舞水在諸峰

阿育王塔在山西北玉女織錦臺并堂在東北堂內石

色爛斑煥如紋錦鍾乳穴在山東南穴中有鍾乳徑頭

大一丈光明穴在山東南角深三里餘直上五百尺晝

夜長明雲鍾洞樵人往二聞鍾聲口穴井昔有二人得

道一人誤傷而死一人化為鶴此皆公子之所未知兮

求其死者哀鳴泣血滴石成穴

而丈人之所安宅丈人曰名生於實兮義設於適子知

其一兮未知其二子識其外兮未識其內是徒知六二

之所有兮而烏覩六二之名義東朝嶽祠儼百神兮西

望洛邑鬱千宮兮下瞰洛陽其形如拱揖嶽祠太陽少陽山之明兮

在山之南明月峰之左日月之象石城石笋天所形兮

故名太陽居衆峰之南故云少陽壁狀似笋秀拔萬尋檀香丹砂寶所鍾兮

亦云出鉢孟香爐狀所肖兮形如鉢孟覆其連天紫霄

勢之穹兮以差低於連天亦接雲霄羅漢七佛像設留

金石錄卷一百四十二 宋二十

兮上有羅漢洞隱現莫測崑中有銅像七尊靈隱來仙洞府深兮皆是聖所隱之處古

老云此峰是神勝瑞應瓊璧祥光紛兮清涼寶勝梵剎標兮昔有清涼寺居其下又云居寺名寶

紫蓋翠華煙靄凝兮色紫秀宛若幢蓋以藥堂紫微花勝瑞應瓊璧祥光紛兮

草靈兮多生奇藥若王屋藥白道天德名字偉兮昔有道人

然帝字一云帝字峰卓劔白雲形實紀兮狀若卓劔峰上四時多起

雲金牛明月色像起兮色若黃金其狀若牛凝碧迎霞

天光聚兮上多翠碧石在衆峰玉華寶柱金石瑩兮皆

玉石華茂於諸峰而形如繫馬白鹿神仙衆兮下有子

澗峰如馬柱或云仙人繫馬於上此則六之名義兮

而未覩六之景氣丈人曰方春陽之盎兮燒痕蕪

沒而青天紛紅紫之繡錯兮引百轉之幽禽雄樓傑觀

兮切星辰而上侵玉仙神女兮乘輜駟而下征朱明草

木之扶踈兮蔽大明之午外山樹雲氣之舟兮若覆

甌而鬱蒸忽雨聲於天外兮勢翻盆而倒傾唯紫芝與

黃鶴兮舞長空而產英金飈之驚葉兮山空落石若仙

人之鍛聲夜月白而風冷兮玉笙清澈而弭聽暨元

陰林柯之脫盡兮山形瘦而骨稜兮冰雪橫積於千仞

兮玉龍飛而白虎亭兮惟四時之出沒變態兮顯晦陰

晴不可得而盡名豈特仰觀俯聽自辰及酉應接之不

暇兮以盡朝昏此雖丈人之所不能形容兮而豈公子  
之所可預聞丈人曰突兀撐空兮千變萬狀山經地志  
兮不可究量或背若相戾兮或面若相向或竦若相鬪  
兮或揖若相眄或散若相忘兮或聚若相訪或後者若  
和兮而前者若唱或卑者若下兮而尊者若上或喜兮  
若相携或怒兮若相抗或若秦晉兮相匹或若楚越兮  
相望或聳瘦兮若峨眉或臃腫兮若挾纊或蹲伏兮若  
駝虎或崇聚兮若寶蓋或威嚴兮若壯王或勇猛兮若  
梟將或決驟兮若風馬或浮空兮若舡舫或若遊郊原  
兮纍丘墳而包柩槨或若入宗廟兮紛豆登而爵柜鬯

敢不心禱之然墨莊有祖爲慶歷之人師有孫爲嘉定  
容之太老故豐惠之祠畫錦之堂梓里不加廢斥也墨  
然莊知登封最與參寥厚故三十六峯賦乃參寥所書  
飛子襄界之以充四明文獻而抄墨莊嵩山之詩以附  
其後吾聞墨莊嘗攜嵩山之石以歸高孝而後南北  
隔絕攻媿乃築閣曰登封而貯石于其上其自爲記  
也三致意于京洛之遺五百年以來喬木消沉閣與  
石俱滅沒而碑刻尙無恙斯杜元凱所以惓惓于身  
後與

鮎埼  
亭集

右三十六峯賦知登封縣四明樓昇試可所作僧曇



潛書曇潛一名道潛與東坡倡和所謂參寥子者也  
朱昂續骫骳說參寥住西朝智果院能文章尤喜爲  
詩坡南遷素不快者披詩辭謂有譏刺得罪反初服  
建中靖國元年曾子開爲翰林學士言其非辜詔復  
祝髮紫方袍飾號如故碑書于建中靖國元年九月

正參寥初復師號時也

潛研堂金石文跋尾

相平寒暑以衣四圍交糶而時墨源講由必持以相  
脫兼賦登佳景寒寒寒寒寒寒寒寒寒寒寒寒寒寒  
泉將太秋秋秋秋秋秋秋秋秋秋秋秋秋秋秋秋秋  
於於於於於於於於於於於於於於於於於於於於於

戢二芳森劔戟落二方列屏障勢領略兮斷而還連狀  
容與兮宛而復壯超然若三十六天兮神仙之洞宅姁  
然若三十六宮兮如嬪之游燕昂霄聳壑冠珮悠兮泉  
飛霞傾爵翠流兮天闊星熒玉杵成兮松篁瑟下鈞天  
迎芳嬌雲曲月鬢眉新兮煙斜霧蒸龍麝焚兮霞舒霓  
卷舞袖張兮雷霆轟二宮車還兮言未旣而公子頽然  
如醉兮洒然如醒非丈人無以藥之使瘳兮刮之使明  
僕未能窮茲山之勝踐兮究茲山之曜靈請執杖屨兮  
以從後塵

建中靖國元年九月廿三日

住持少林禪寺傳法沙門清江上石

洛陽張士寧刊

四明樓昇令嵩高賦少室賦不足道而書者為武林僧參寥極得坡公臥筆法道勁古雅即令坡公見之

亦當首肯

石墨鏤華

碑立金壺峯下宋登封令樓昇刻金壺詩於上志載昇置仰嵩堂於治署圖金嵩於屏著太室二十四峯詩少室三十六峯賦並序僧曇潛書昇詩殊不足觀賦序次詳贍可備參攷書亦不惡

說嵩

金石萃編卷一百四十三

賜進士出身 誥授光祿大夫刑部右侍郎加七級王昶撰

宣德郎權知縣事崔琪書

梅澤詩并題記

石橫廣二尺七寸七分高二尺二寸七分共十九行行十四字行書在鄂縣

宣德郎權知縣事崔琪書

過草堂望終南山

兩峰高插碧天寒雖得春風雪未乾謝屐自忘登覽倦草堂終日凭欄干

經樊川懷杜牧之

杜曲樹連蒼翠外終南雲暗有無中清詩妙句空貽後  
不見樊川一老翁

行役述懷

世路侵尋老客顏黃埃遮眼鬚毛斑青山未許教人去  
白日何曾放我閑

又

明月一尊酒清風萬卷書南山山下地終欲卜林居  
有宅一區有田一頃有酒一尊有書萬卷嗚呼余乎  
胡爲乎爭名於時隔此真趣而心與形役自勞其生  
乎

崇寧改元三月十四日吳郡梅澤說之題

住持僧紹利立石

余旣得琪書李駒詩表而翫之以爲希有其後又得  
所書吳郡梅說之過草堂望終南詩等四首又題尾  
一段津津然有味于山水之間思往而不可得者梅  
之寄意不淺矣使非琪爲之書刻後世之人何從而  
吊其遺蹤焉始知山川之奇與人胷中之秀腕筆底  
之神率相待而成一時之盛乃山川有更移時世有  
隆窳而人之心胷脈脈流行不絕又相爲灌注始終  
不尠猶歸于變滅悲夫誰爲後來者當與此心期已

墨林  
快事

劉晦叔等題名

石高三尺一寸五分廣二尺二寸五行  
行六字惟第二行七字行書在盱眙

崇寧元年季春十七日汝海劉晦叔東平畢公叔三封

宋仙民莆陽蔡元長同來

按題名首行季字旁有張謙克讓題五小字蔡元

長即京也傳載崇寧元年由知定州徙大名府韓

忠彥與曾布交惡謀引京自助復用為學士承旨

其時自定州至大名還都盱眙非道路所經不知

何以來此

修唐太宗廟記

碑連額高八尺六寸廣三尺五寸八分二  
十行行三十五字正書篆額在武功縣

通直郎知長安縣事朱光旦書并題額

粵有大寶聖人守焉上惟軒義傳記罔悉道德乎堯舜

仁義於禹湯文王有周大勲集武而幽厲廢之侯國蜂

聚七雄蟻爭以啗祖龍而二世亡之漢乘秦虐口手以

取權操與備因漢弱而攘裂晉則虛誕不技而宋齊梁

陳潰墊於胡羯正統墜絕有唐階暴隋以興僖昭寢衰

五代竊據天開地泰乃歸于有宋之真

人焉願若相因迭為興廢者得明主賢臣可取法有暴

君汗吏足爲戒皆所以資我

聖時爲永永無窮

太平之治具也然歷觀前史惟其有甚芟亂之患然後  
生夫英傑之君故必能措海宇於昇平拯黎庶於塗炭  
則漢之高祖唐之太宗其倫乎按唐紀太宗文皇帝以  
隋開皇十八年十二月戊午生於武功之別館有二龍  
戲門外三日而去是京兆府武功縣之南有唐慶善宮  
今爲慈德寺乃其所也北日報本寺神堯之舊宅焉先  
是縣圖雖載厥事而祀秩無文龍閣游公慨然興歎率  
里人卽報本寺北隅經始廟貌法大壯以建殿宇想天  
日而形塑繪左右壁間悉圖正觀朝臣英姿凜然彷彿  
見當時之盛於是肅嚴致敬有所實元祐三年戊辰歲  
也後十四載洛陽趙茂曾被命長邑一日至祠下而龍  
閣公弟師韓語之故且求以記遂諾之曰僕元祐末典  
獄平涼見君之伯氏爲使者愛民以道率吏以誠觀其  
激風流敦教化使法令美意下決於田父野老之肌骨  
雖古昔名父□□□□□□□□□□執律馭師則折  
衝尊俎笑談帷幄豫計勝負驗若符契致□□□朝廷  
威靈遠震于辯毛重譚之巢穴雖前世班超李牧之輩  
無以尙矣我思其致今也則亡常企慕之恨不得述其  
梗槩茲幸君之及此也昔梁州人侯栢年以廉泉之名

誇其閭里而史筆書之不遺矧公肇是祠宇俾後世識者以人物稱其風氣則追遠厚俗之意豈淺也哉故論前世治亂之迹見文皇帝之英傑因記其祠之者名字云游公名師雄字景叔大宋崇寧元年中元日謹記

按唐太宗廟在乾州武功縣城北武功縣志云今前殿爲鴻禧觀祀老氏明嘉靖末所建也碑引唐紀云太宗文皇帝以隋開皇十八年十二月戊午生于武功之別館今唐書太宗紀無此語不知其何本也今紀云貞觀二十三年五月己巳崩年五十三由貞觀二十三年逆推五十三年是爲隋開

皇十七年此云十八所未詳也碑云武功縣南有慶善宮今爲慈德寺北日報本寺神堯之舊宅焉據縣志金大定十六年勅賜崇教禪院卽此寺也報本寺在縣西北一里本唐高祖舊宅大中元年建爲寺依山立刹中有浮圖高二十尋偉然一邑之望太宗廟建於元祐三年游師雄因鬼章青宜結構夏人爲亂謀分據熙河詔師雄往使擒鬼章報捷遷陝西轉運判官提點秦鳳路刑獄建廟卽在是時師雄有弟師韓傳所不載賴此碑及之

淨相院詩刻

石橫廣二尺一寸五分高一尺七寸二分共十行行八字正書在興平縣

畱題淨相院橙軒

宣義郎知縣事彭迪明

萬葉扶踈雙幹脩植臨禪坐色長幽影分渭北千家月香散山南一檻秋清液冰寒承露結圓苞金重帶霜收會應登列西州貢庭實寧無橘柚羞

崇寧壬午秋九月書

楞嚴經偈

偈二凡四石第一石橫廣六尺八寸五分第二石六尺一寸第三石六尺五寸七分第四石六尺四寸七分高各一尺四寸五分前偈共一百二十五行行八九字十十一字又續偈二十行行六七八九字不等

行書在長清縣靈巖寺

楞嚴經偈語不錄

元符二年十二月十三日莆陽蔡卞書凝寒筆凍殊不能工也

續偈語不錄

建中靖國元年冬十一月五日池陽慧日院南軒續此偈

崇寧元年十一月鄱陽齊迅施刻于靈巖寺住持傳法淨照大師賜紫仁口立石匠人牛誠刊按首楞嚴經以阿難誤入魔登伽女之室命文殊

金石錄卷一百四十三  
以呪攝鬼既以徵心辨性復令二十五無學各言  
入道之因乃屬文殊檢擇因說此偈取觀世音從  
聞思修入三摩地爲第一蔡卞書已見前卷此所  
書瀏漓頓挫行法不減元章且通體完善臨池家  
法可以摹仿也

玉盆題名十二段

橫廣四尺四寸四分高三尺七寸六分  
七行行五六字左行正書在褒城縣

崇寧口元口二十有口口臺張元翊成口袁武震岐下  
口師敏同遊窮谿壑之勝刻玉盆之陽

又高二尺五寸廣一尺九寸五分七  
行行十字十一字不等左行正書

河南李口彥粹游石門登玉盆預行者定武口口子寔  
開封王師顏希賢徐師民叔瞻秦亭李師古口從馮翊  
傅汝礪彥正洛陽口中直子正建炎己酉歲清明前一  
日行記男松年侍

又高三尺一寸廣二尺九寸三  
行行六字七字不等隸書

晏德廣段口口缺師命禱雨升潭口缺而去口熙甲辰缺

又橫廣三尺一寸三分高三尺三寸  
五分六行行七字八字不等隸書

石邵段雄飛晏柔蒔峇呂禱雨熾舟玉盆側誌歲月而  
去乙巳清明前一日以董堰復徠同登汎掃縱觀方羊久之

又高四尺八寸廣二尺四寸三  
行行七字八字不等隸書



間丘資深田德夫章德楸慶元二年二月壬申因眎堰徠

又三行行八  
字正書

曹濟之龐公巽曹璋李稟紹定己丑清明日識

又高二尺廣僅存一尺五寸  
五分三行行四字正書

郭嗣卿陳季時程清叔慶元戊缺

又高一尺九寸五分廣一尺五寸四  
分四行行四字五字不等正書

開禧二年人日牟節甫劉琳靜來

又高一尺八寸八分廣一尺五寸三  
分四行行七字八字不等正書

鼎然安丙子文抱孫明孫與李口貴同來嘉定己巳閏

月清明日

又高一尺九寸五分廣一尺五寸五  
分七行行六字七字不等正書

邑令何武仲拉資中黃元英廣漢沈德明普慈周伯光

黃養源來全子祿孫和孫侍行嘉定辛未中秋後十日

又高四尺六寸四分廣三尺  
七寸五行行四字正書

石盆應有意要洗貪者廉前郡口李一鰲

又三行行三  
字隸書

李口熊來嘉定端午

按玉盆在襄水中詳見前卷石門題名此題名中  
有因禱雨而至者有因眎堰而至者亦詳見前跋  
此題率多缺泐其來遊姓名全見者得三十四人

惟安丙一人史有傳餘俱無攷丙字子文廣安人  
 淳熙間進士開禧二年邊事方興程松為四川宣  
 撫使吳曦副之丙陳十可憂于松言曦必誤國既  
 而曦奏丙為隨軍轉運司居河池十一月金人攻  
 湫池堡破天水繇西河入成州十二月金人持詔  
 至曦受詔稱蜀王三年正月曦僭號建官稱臣於  
 金以丙為中大夫丞相長史權行郎省事丙陽與  
 而陰圖之遂謀誅曦三月函曦首附驛朝廷上下  
 動色交慶加丙端明殿學士中大夫知興州安撫  
 使兼四川宣撫副使卒謚忠定著晶然集此題嘉  
 定己巳為三年正吳曦伏誅丙知興州之時也晶  
 然是其別號因以名集石邵等董堰徠登題云汛  
 埽縱觀方羊久之方羊二字見於左傳他書多作  
 仿佯史記吳王濞傳又作彷徨淮南子原道訓又  
 作方洋皆即逍遙徙倚之意字異義同

武功縣學碑

碑高八尺一寸廣四尺三寸五分二十  
 一行行四十二字正書篆額在武功縣

宋京兆府武功縣新作縣學碑銘

知縣事兼管甸兵馬司公事趙茂曾撰并書丹篆額  
 士志於道者常患乎不得遂其學得遂其學者常患乎

不得信其志遂其學矣時能信之則君子以為榮遇焉此武功縣學之興而銘序之所以作也建中靖國元年夏四月知京兆府孫公覽奏以壽春縣令趙茂曾知武功事秋八月公去崇寧元年春三月茂曾始來是秋貢士府十四縣懸格所取武功居多時歎惜其遺者猶眾既冬邑人相謂曰哉盜賊撫良善政令之所在也孝悌睦婣以考其行絃誦講習以和其心性命道德以進其學實士人之所望焉乃謀葺孔子廟聚生徒而淺陋不可居十二月有詔建州縣學講養士之法同僚相語以州縣吏雖尊賤有次其申明孝悌孰後先邪茂曾瞿然以興曰疇敢不祇若

王之休命明年春訪隙地稟於府願易廟西樓店基為學舍知府事虞公策從之徹木於淫祠經費於計臺轉運副使許公天啓可所請即日給官錢五十四萬資其用於是築新基南鄉為麗澤堂左右前廡玦布八齋名之以道德皆新作也其東則宣聖殿小學職掌之位庖厨祭器隸者所直舊舍足焉補缺益卑與新允稱總五十楹基長二十有五尋廣十有三尋餘六尺經始於二月乙丑落成於三月癸巳烏乎學校為事必興於聖人極盛之時三代可監也蓋備所養以期所

金石錄卷一百四十三  
用今公聖人德澤吾君待天下之士厚矣天下之士宜  
思所以副之茂會何人獲宣三代之風盛化且得效  
犬馬之力於其間爲遇爲榮罔可言旣謹拜稽首叙事  
勒銘著之金石以告學者銘曰昔合取諸郡益早與  
夏后庠序商邦誓宗周王頌官申之孝悌漸磨仁義名  
殊迹同久矣嗚呼明明我主超三邁五人材是隆民  
有彝則好是懿德合由以容家黨衛國塾庠序學慨然  
聿崇通升次舉匪私是與允期於公咨爾有衆學以致  
用勿尸厥中入孝出悌居仁由義敏則有功以副  
盛時允能庶幾三代之風

崇寧二年四月初吉立石左班殿直監酒稅王傑權  
主簿蔣次元縣尉盧祥

遊終南山雜詠

石高三尺廣二尺三寸分兩截皆  
十九行行十四字行書在褒城縣

李駒詩

宣德郎知縣事崔琪書

入門脩竹聳琅玕坐久香風拂畫欄春色正穠雙檜靜  
朝光初上一峯寒草堂圭峯  
最爲巉絕翠縈虛室塵襟闊冷逼踈  
窓夜夢殘物外閑心殊未愜躬勤重上白雲端自此遂  
遊紫閣

右草堂

石磴溪橋傍翠巒分明深入畫圖間遠饒禪刹疑無景  
南山諸寺惟迥出群峯別有山仙掌數尖特微雨欲來  
紫閣為冠雲影亂輕風不斷鳥聲閑嵐光可是清人骨更待中宵  
一夢還

右宿紫閣

小雨初回作暮寒斷崖壁立夕陽間一襟清興無人語  
旋拂禪床卧看山

右雨後紫閣晚望

蔽日芳林迷去路被蹊落葉誤行蹤轉崑却見層巒出  
知是仙山第幾重寺前大頂山

右雲際院

西風壁立蒼崖瘦一水湍流怒浪翻雲外不須求紫府  
祇應此景是桃源

右長嘯洞

漸停晚景尤便靜不出忙中豈愛閑休問驪駒與畫屣  
會須投紱老青山

右宿重雲山寺

萬點梢頭爛曉霞謾隨閑世闕春華孤根自是生窮僻  
未必輕輪別圃花

右重雲道中海棠

蔽空穠綠門前路匝地踈苗戶外村蹇宿雲房印虛寂  
紅塵意味不堪論

右宿白雲明日之鄔縣

望極空蒙清滿懷更尋遺跡步高臺日斜林杪增光去  
風靜山尖倒影來萬頃澄瀾春漲碧一川秀色暝陰開  
坐中自有江湖興未放陂南盡舸回

右漢陂

通判朝散諸寺留題寺僧請立石

崇寧二年六月一日

李駒通判秦中畱題中南而鄔令崔琪書刻石駒詩

琪書皆不離宋人本色酌之以見時代之下人自不  
能使超也崔琪是又一人非唐廢相起判鳳翔者

華鐫

右爲終南山雜咏曰草堂曰紫閣曰雲際院曰長嘯  
洞曰重雲山曰白雲曰漢陂乃李駒之詩崔琪書之  
于崇寧間者爲七律二七言絕句八共十首詩亦清  
拔獨怪琪以風塵下吏一旦執筆遂足爲詩人之重  
令榮華至今不至與山風谷鳥俱沒字之不可已如  
此今人重詩宋人以爲詩字無分矣乃其間寂之濱  
炳朗有此人亦不可全蓋已余得此驚躍亟與進之

以續一代之絕學其赫赫山斗者未可與並也墨林快事

褒城縣學記

碑連額高八尺七寸五分廣四尺九寸五分二十三行行三十六字正書篆額在褒城縣

褒城縣新修縣學記

缺

蘇時記

缺

天子卽位之四年寔崇寧改元之明年也

天下州縣皆得立學蓋將追先朝欲爲之志

恢復三代甚盛之舉缺美州以是責守相

縣以是司咸董其治爵賞以待有

功信刑缺外賓海嶠內卽郊畿郡

邑相屬小大畢舉於是以衆師儒給田以食以

材磨治滌濯以就其器嗚呼

其盛耶爲之郡縣者如

何耶爲之學生者忍負之耶褒城古漢中之孔子於邑之

東隅度地不善濱江卽水庫甚錢不萬而

會莫暇顧迨今有年而令尹魏郡張侯克獲奉

甚錢不萬而

民財不共募工不踰月而民力不與齋祠講□□□□  
□□□□□□□□□□□□□□欲解去於是邑之父老  
與其子弟相與咨嗟太息謂□□□□□□□□□□  
□□□□賓賢興能□□於其終咸欲書石以紀其事  
然予謂褒中□□□□□□□□□□□□□□□□□□  
□□□□□□□□□□迹百氏之筌蹄求不放之良心□  
□□□□□□□□□□□□□□□□□□□□□□已  
□學□□施於有政讜論嘉言獻於□□□□□□□□  
然後翰墨談笑之間□□□□□□□□□□□□□□□  
□□□□□□□□□□□□□□□□□□□□□□也哉

六月癸未缺

右班殿直監酒稅務元浩

缺縣事張元翊立石

按陝西通志褒城縣學慶歷間倚於江岸實充宰  
褒建有自記崇寧中張克獲移治西三十步蘇時  
有記卽此碑也碑文殘缺惟慶歷中及度地不善  
濱江水庫令尹魏郡張克獲等語尙可詳譯碑建  
於崇寧二年六月癸未云詔天下州縣皆得立學  
者是時方推廣元豐三舍之法行于縣邑因令縣



邑皆置學褒城舊有學至是因移建也慶歷寶充

碑已見前

乾陵無字碑題字十二段

碑高一丈七尺廣七尺九寸計題名凡十一  
其二其一行八字左行正書在乾州

開封王穀正叔按行邊部南還京兆道經奉天同邑尉  
李定應之恭拜乾陵時男僅從行崇寧癸未季冬初入

日題

又正書五行行  
九字左行

范致明晦叔謫官口水政和元年天祺節後一日同邑  
尉郭韶又善來謁乾陵寅亮寅畏從行

又正書四行行  
十一字左行

宛丘宋孝先天經作丞萬年權邑奉天挈家恭謁 乾  
陵徘徊歷覽終日政和甲午仲秋晦日男才申甫侍行

又與金都統經畧郎君行記同在  
一面行書六行行十一字左行

政和甲午冬行勸農之事因登乾陵晚步臨川亭抵暮  
迺還仝會者五人北幽李濟澤民王頤正夫彭城韓渙  
亭林河南郭彥正子常淮陽宋孝先天經十月十有七

日題

又正書三行  
行七字

建安暨唐裔公本攝郡事挈家來遊政和戊戌孟夏望

日

又正書七行  
行十二字

宣和改元勸農出郊休轡梁山晚節入郭率蒲中來扶  
安道圃田周無忌漢直祁陽寧洙仲濟邯鄲李思誨孝  
初岐下范汝聽用言河南郭彥正子常同焉仲春中澣  
日守郡吏大梁李士觀元孚題

又正書五行行  
八字左行

宋仲□□□□守易使三秦宣和五年正月十四日

與□□器張子剛子□同訪古至此□□為書

又正書五行行  
十字左行

劉錫禹圭□環前之河朔以宣和癸卯三月四日與□

錚和□錡□□三大宗正舍□□□□□□□□□□

□□恭謁

陵□

又正書九行行  
七字左行

千山頭角□万木爪牙深有客能占氣無人解換金難  
名帝堯德易小漢文心慷慨松風外停車聊一吟

宋京按部再至宣和五年三月望弟卞從行

又與金都統經畧郎君行記同在一面  
行書七行行十三十四字不等左行

少府監丞師具瞻民望監察御史完顏忽升虎用之刺  
史胥謙益之省差段繼祥慶之奉天令李天章文卿縣

承温迪罕握奇主簿字疙疸縣尉孫完全甫司候吳昕  
明之興定五年四月中旬日敬謁陵下外郎張秀華  
德秀題

又與金都統經畧郎君行記同在  
一面行書三行行十字左行

省掾胥恒同弟泰因省視兄刺史敬謁陵下興定  
辛巳重陽日題

又正書四行  
行十四字

正大改元夏廿九日州司候許柔前醴泉簿宋寔尉蔡  
仲融進士鄭相邠人王玠全拜

陵下

又正書七行  
行九字

丁亥清明日權縣事范益率致政馬麟之監征高士若  
郝師雄丞員延年簿孟及申恭謁陵下是日麗景味  
霽春氣融達遊人共樂排燭夜歸

按乾陵唐高宗陵也在乾州奉天縣北十里今縣已省

州東至僖宗靖陵十里肅宗建陵四十五里太宗

昭陵六十里宋元祐中計使游公圖而刻之坊禦

推官趙楷爲之記又有于闐國所進無字碑高三

十餘尺螭首龜趺巋然表裏無宋字今題名有十

三段崇寧政和宣和年者九段金正太元年者一

金石錄卷一百四十三  
段興定五年者二段于亥清明日一段興定二年  
爲宋嘉定十四年正大改元爲宋嘉定十七年但  
云夏廿九日不知何月也丁亥爲金正太四年宋  
之寶慶三年也蓋自宣和五年以後隔九十八年  
而後有金人題名陵之曠無人跡亦云久矣題名  
中姓名間有缺泐其存者合之宋金得四十二人  
見於宋史者一人曰劉錫附見劉仲武傳仲武字  
子文秦州成紀人官西寧都護童貫招誘羌王子  
臧征薄哥收積石軍邀仲武計事仲武曰王師入  
羌必降但河橋功力大非倉卒可成貫許以便宜  
僕哥果約降而索一子爲質仲武卽遣子錫往河  
橋亦成仲武帥師渡河挈與歸貫掩其功仲武亦  
不自言徽宗遣使持璫至邊賜獲王者訪得仲武  
召對帝勞之問幾子曰九人悉命以官錫閣門祇  
候此題劉錫字禹圭以宣和癸卯三月謁陵疑卽  
其人癸卯是宣和五年又宋京一人見宋詩紀事  
成都人崇寧進士而不言官位此題在宣和五年  
云按部再至是已顯仕矣不知卽其人否又金史  
一人胥謙附見忠義馬慶祥傳元光元年十一月  
聞元將胡古不花將攻鳳翔行省檄慶祥與治中

晉謙分道清野遇大兵邀其歸路慶祥不屈而死  
胥謙及其子嗣亨亦不屈死謙贈輔國上將軍彰  
化軍節度使此題稱刺史與史稱治中小異然興  
定五年之明年即改元元光當即其人

靜應廟記

碑連額高五尺一寸三分廣四尺二寸  
十八行行二十字行書額正書在耀州

耀州五臺山靜應廟記

朝奉郎知軍州事賜緋魚袋借紫王允中記

宣德郎充陝西路提舉學事司管句文字束長孺書

崇寧二年春三月丁亥允中始涖郡事適境內經時不  
雨雩祭祈禳邈無應者乃考圖經訪諸靈蹟郡城之東  
五里有五臺山孫真人祠實舊隱也以美利在民廟食  
久矣丙申躬率僚吏禱焉即獲甘雨三尺合境告足自  
是每禱則昭答如響爰請褒崇賜額靜應秋九月丙申  
賞 勅以告屬亢陽有請里民奔轅祠下踵未及旋  
已復霈然剡章載上錫號妙應嘗召華原令張魴尉李  
倚諭之曰祭有五義凡施法定國勤事與夫禦災捍患  
皆得祀之矧真人生不屈于世以保其素死能福斯民  
以食其土而祠宇卑陋僅庇風雨非所以上副 朝  
廷褒大旌顯之意下副邦人祈報敬事之誠魴倚聞之

趨走赴功鳩材庀工三年春三月經始踰月告成於是  
棟宇之制始稱其嘉號真人諱思邈清風高節與夫靈  
異變化之迹具載傳記而盛德茂功又已著於  
詞茲不復紀九月二十日

朝奉郎通判軍州事賜緋魚袋于巽立石

刊者劉源

靜應廟勅告

碑連額高八尺三寸廣三尺七寸作兩截書上十九  
行行九字下十八行行十八字連額並正書在耀州

感德軍五臺山靜應廟額勅并加號妙應真人告詞

尚書省牒耀州靜應廟禮部狀近承都省付下陝府西

路轉運司奏據耀州申契勘孫思邈本華原人祈禳靡  
有不應乞賜一廟額本司保明是實尋下太常寺看詳  
據本寺狀檢准令節文諸神祠應旌封者先賜額今依  
條欲擬靜應廟爲額本部欲依太常寺擬到前項事理  
施行伏候指揮牒奉

勅宜賜靜應廟爲額牒至准

勅故牒崇寧二年八月二十一日牒右正議大夫守

右丞吳左銀青光祿大夫守左僕射

勅耀州華原縣五臺孫真人山川勝境仙聖所居其盛  
德茂功顯聞于世者朕必秩而祀之惟真人生於有唐

見謂隱逸應物之迹具載史官廟食華原時迺鄉縣祈  
禳休貺美利在民肆加褒崇特建榮號尙其歆懌永福  
此邦可特封妙應真人 中書令 闕 中書侍郎臣趙  
挺之宣奉 中書舍人 臣慕容彥逢行奉 勅如右  
牒到奉行 侍中 闕 尙書左僕射兼門下侍郎京  
門下侍郎將 給事中時中崇寧三年二月二十九日  
代時都事康繼隆受 左司員外郎 方會付吏部 尙  
書令 闕 尙書左僕射京尙書右僕射 闕 尙書左丞  
尙書右丞 居厚 吏部尙書 執中 吏部侍郎 洵  
仁 告妙應真人奉 勅如右符到奉行主事李孝

恭郎中給令史李遵書令史張應三月五日下午十月八  
日將仕郎美原縣尉兼主簿臣王忠書朝奉郎通判軍  
州事賜緋魚袋臣于巽同立石朝奉郎知軍州事飛騎  
尉借紫臣王允中立石 臣劉源刊

中有中書侍郎趙挺之又有尙書左僕射兼門下侍  
郎京蔡京也門下侍郎將許將也尙書右丞居厚吳  
居厚也吏部尙書執中何執中也吏部侍郎洵仁鄧

洵仁也 關中金  
石記

逍遙栖禪寺詩刻

石高一尺八寸廣一尺二寸  
八行行十四字正書在鄠縣

題逍遙栖禪寺

朝奉郎通判軍府事唐遵

圭峯大士翻經處雅俗今猶說草堂十頃筠篁環殿閣  
百年松檜老風霜臨溪洗鉢憐僧野卷旆搜山意盜藏  
時因捕盜至此試取禪詮滌吾慮蕭然心地頓清涼

崇寧甲申冬至前二日

蕪湖縣學記

碑高八尺二寸六分廣五尺一寸四分二  
十一行每行字數不等行書在蕪湖縣

太平州蕪湖縣新學記

禮部尙書黃裳撰

無爲守米芾書

崇寧元年仲秋

天子思欲推廣

神宗皇

帝三舍造士之法

詔講議司條具以聞奉司奏

言先王之時比閭族黨之間莫不有學所以明人倫厚  
風口及其成也無思犯禮莫不好德伏請縣邑皆得以  
置學越十月承議郎知蕪湖縣林修奉詔從事  
前此所建適如詔旨第率閭里子弟來就教育  
推布教條考察如法將拜口郡學而使口口有以貢  
焉乃其職也鄉教之設黨有庠庠者養也以主乎造士  
遂有序序者射也以主乎口士兼口口而有之學也



金石錄卷一百四十三  
此學之名所以施於國歟黨領五族之衆先口之政已  
能口有相保之智相口口口相葬之礼相救之義教而  
化之犹以爲未也中有庠焉則口其德而成就之也遂  
領五縣之衆有州民之仁足以相調有鄉民之恩文足  
以相往來五常之善於是乎備矣中有序焉則觀其德  
而選取之也自黨遂之教廢庠序不設約束之規既以  
踈漏修學之士多口口闕不及前古遠甚然而今之州  
古之國也縣邑皆得以置學其猶黨遂之有庠序歟昔  
時大夫富其民有口口其民有政養育有道考察有法  
井移有序故其造士道德同宗本末相應未口口口焉

方今 朝廷推行三舍考察之制凡目甚悉必得  
爲宰者運量乎其中而使士之有口於口者有所資有  
累於事者有所代積漸涵養視成論辨出於優游而不  
迫口口口口口口口口 朝廷樂育人才崇建學  
校之意庶幾成人有德小子有造其口口存乎口口而  
已此正 天子有望於郡邑者也令君其勉哉

翰林張士亨摹刊

米老學記乃字字有體勢亦鮮敗筆米書中之可貴  
者其原碑海內之存否不可知大抵爲僞墨跡者必  
自舊搨本中摹出則雖屢經翻刻固尙有典刑也

林

快事

右蕪湖縣學記米元章書自署無為守而不列官與  
它碑式異宋史元章傳稱年四十九卒而蔡肇撰墓  
誌云年五十七卒於淮陽郡齋其文互異予按元章  
跋吾讀安真蹟帖云余生年辛卯又有辛卯米芾四  
字小印則以仁宗皇祐三年生至哲宗元符三年己  
卯已四十九年矣如史所云即不及徽宗朝而元章  
却在徽廟時始以上書顯其知無為軍當在崇寧三  
年明年始擢禮部員外郎再出知淮陽而歿於官則  
墓誌云五十七者為不誤蓋其卒以大觀元年歲在

丁亥爰書此以糾史之謬

潛研堂金石文跋尾

按碑云崇寧元年仲秋天子思欲推廣神宗皇帝  
三舍造士之法詔講議司條具以聞本司奏請縣  
邑皆得以置學越十月承議郎知蕪湖縣事林修  
奉詔從事云云宋史選舉志元豐二年頒學令太  
學置八十齋史作八千誤齋各五楹容三十人外舍生  
二千人內舍生三百人上舍生百人月一私試歲  
一公試補內舍生間歲一公試補上舍生彌封賸  
錄如貢舉法而上舍試則學官不預考校公試外  
舍生人第一第二等升內舍入優平一等升上舍

金石萃編卷一百四十四  
皆參攷所書行藝迺升上舍分三等此神宗三舍  
造士之法本行於太學者也崇寧元年宰臣請天  
下州縣並置學州置教授二員縣亦置小學縣學  
生選考升諸州學州學生每三年貢太學至則附  
試別立號考分三等入上等補上舍入中等補下  
等上舍入下等補內舍餘俱外舍此崇寧元年推  
廣三舍造士之法及縣邑置學之緣起也此碑撰  
者黃裳傳有字文叔者隆慶府普城人係乾道五  
年進士非此黃裳碑不署建立年月潛研跋謂米  
芾知無爲當在崇寧三年則立碑亦在其時矣

金石萃編卷一百四十四

賜進士出身 誥授光祿大夫刑部右侍郎加七級王昶謨

宋 二十二

元祐黨籍碑

碑有二本一是喪本正書隸額有饒跋在靜江府一  
碑高六尺廣三尺一寸五分行字多寡不等正書額  
題元祐黨籍碑五字亦  
正書後有沈跋在融縣

皇帝嗣位之五年旌別淑慝明信賞刑黜元祐害政之  
臣靡有佚罰乃命有司臬考罪狀第其首惡與其附麗  
者以聞得三百九人 皇帝書而刊之石置於文  
德殿門之東壁永爲萬世臣子之戒又 詔臣京

書之將以頌之天下臣竊惟陛下仁聖英武遵制揚功彰善瘴惡以昭先烈臣敢不對揚仰承陛下孝悌繼述之志司空尚書左僕射兼門下侍郎臣蔡京謹書

元祐姦黨

文臣

曾任宰臣執政官

司馬光故

文彥博故

呂公著故

呂大防故

劉摯故

范純仁故

韓忠彥

曾布

梁燾故

王巖叟故

蘇轍

王存故

鄭雍故

傅堯俞故

趙瞻故

韓維故

孫固故

范百祿故

胡宗

愈故

李清臣故

劉奉世

范純禮

安燾陸

佃故

黃履故

張商英

蔣之奇故

曾任待制以上官

蘇軾故

劉安世

范祖禹故

朱光庭故

姚勔

故

趙君錫故

馬默故

孔武仲故

孔文仲故

吳安持故

錢勰故

李之純故

孫覺故

鮮

于侁故

趙彥若故

趙尚故

王欽臣故

孫升

李周故

王汾故

韓川故

顧臨故

賈易

呂希純

曾肇

王覲

范純粹

呂陶

王古

豐稷 張舜民 張問故 楊畏 鄒浩 陳次

升 謝文瓘 岑象求故 周鼎 徐勣 路昌衡

故 董敦逸故 上官均 葉濤故 郭知章 楊

康國 龔原 朱紱 葉祖洽 朱師服

餘官

秦觀故 黃庭堅 晁補之 張耒 吳安詩 歐

陽棐 劉唐老 王鞏 呂希哲 杜純故 張保

源 孔平仲故 據宋史新編及續資治通鑑 衡鈞 衮公適

故 饒本袞誤作充宋史新編 亦誤作充據沈本改正 馮百藥沈本及新編 周誼

孫琮 范柔中 鄧耆甫 王察 趙岫 封覺民

故 胡端修 李傑 李賁 趙令時 郭執中

石芳 金極 高公應 安信之 張集 黃策

吳安遜 周永徽 高漸 張夙故 鮮于綽 呂

諒卿 王貫 朱紘 吳朋故 梁安國 王古

蘇迥 檀固 何大受 王箴 鹿敏求 江公望

曾紆 高士育 鄧忠臣故 种師樞 韓洽

都貺 秦希甫 錢景祥 周綽 何大正 呂彥

祖 梁寬 沈千 曹興宗 羅鼎臣 劉勃 王

拯 黃安期 陳師錫 于肇 黃遷 万俟正沈本

作莫快正饒本及新編俱作莫俠皆誤今據續資治通鑑崇寧五年正月庚戌選人呂亮卿等注內改正 許堯輔 楊鼎

胡良 梅君俞 寇宗顏 張居 李脩 逢純

熙故 高遵恪續通鑑作遵 裕今依元本 黃才 曹盥 侯顧道新編

作顯 周遵道 林膚 葛輝故 宋壽岳 王公彥

王交 張溥 許安修 劉告甫 胡潛 董祥

楊瓌寶新編作 懷寶 倪直孺 蔣津 王守 鄧允中

沈本及新編 俱作元中 梁俊民 王陽新編及續通鑑 此下接張裕 陸表民 葉

世英 張裕 謝潛 陳唐 劉經國故 湯馘故

司馬康故 宋保國故 黃隱 畢仲游 常安

民 汪衍 余爽 鄭俠 常立 程頤 唐義問

故 余卞 李格非 陳瓘 任伯雨 張庭堅

馬涓 孫諤故 陳邨 朱光裔 蘇嘉 龔夫鏡本

史 諱作 王同故 呂希績故 吳儔故 歐陽中立故

梁尹材故 葉伸故 李茂直 吳處厚故 李積

內中 商倚故 陳祐 虞防 李祉 李深 李之

儀 范正平 曹益 楊綸 蘇昞 葛茂宗 劉

謂 柴袞 洪羽 趙天佐新編作 天佑 李新 扈充故

續通鑑 作扈允 張恕 陳并 洪芻 周鏐新編及續通 鑑俱作諤 蕭

剗 趙越新編 作鈇 滕友 江洵 方适續通鑑 作方括 許端

卿 李昭圯 向紉續通鑑 作向訓 陳察 鍾正甫 高茂

華 楊彥璋 廖正一 李夷行 彭醇 梁士能

武臣

張弼 李備 故 王獻可 故 胡田 馬諗 王履

趙希夷 任潛 郭子旂 錢盛 趙希德 王

長民 李永 故新編作李冰 王庭臣 吉師雄 李愚

吳休復 故 崔昌符 潘滋 高士權 李嘉亮

李琬 續通鑑作王琬 劉延肇 姚雄 李基

內臣

梁惟簡 故 陳衍 故 張士良 梁知新 故 李倬

譚辰 竇鉞 趙約 黃卿從 續通鑑作王卿無從字 馮說

曾燾 蘇舜民 楊偁 梁弼 陳恂 張茂則 故

張琳 裴彥臣 李偁 故 閻守勲 王紱 李

穆 蔡克明 王化基 王道 鄧世昌 鄭居簡

張祐 續通鑑作張祐 王化臣 沈本無据 饒本增

為臣不忠曾任宰臣

王珪 饒本無据 沈本增 章惇

元祐黨議

曰其當者所謂公論天地並存日月並明亘億萬年  
矛盾馳互此脉終不可亂欲勢力變置之有是哉

徽宗固隨 高宗亦繼 昭雷觀國史謂 實錄及

論公家傳等書大臣有攷慶元戊午備末口口林

金石錄卷一百四十四  
始獲識 左丞梁公之曾孫府鈴轄律愛其有前輩  
風度相與光暉暇日從容及籍中名氏因謂欲刻諸  
石便報傳夫前此一時之屈而後此萬世之伸其所  
得孰多然惟是焉計淺之爲丈夫耳非所施於昔賢  
特碑苟無恙彼小人者有所口惠其子蟻君子本以  
利己浮說定罪惡口位而至於我生遺家翹死貽鬼  
誅蓋至口其邪心要少發明斯舉也似不無補歲九  
月旦吉川饒祖堯敬跋 鑄于龍口巖刊者王俊  
元祐所立姦黨碑以司馬溫公爲首一旦爲雷所霹  
張山人有詩昨夜風雷起擊碎奸黨碑若問張山人

不知

事文類集

元祐黨籍碑一卷蔡京元長所書也崇寧初京在相  
府追憾元祐諸賢乃籍司馬光以下三百九人指爲  
奸黨請徽宗書而刻之又自書頒於天下俾各刻石  
以示後世京之意蓋欲污蟻諸賢使其子孫亦有餘  
辱也抑豈知公論之在人心者終不可泯至於摩挲  
遺刻歷數姓名粲然若繁星之麗天雖其子孫亦以  
祖父得與涑水伊川聯名爲榮曾不以爲辱也嗚呼  
愛憎之私果何以掩是非之公邪京可謂謬用其心  
矣碑之所列德業無聞者居多然賴此碑之存而天



金石錄卷一百四十四  
下後世知其爲君子之黨是則京之詆之乃所以譽  
之也歐陽子有言彼讒人之致力乃借譽而揄揚豈  
不信哉雪川沈端以其祖千名在黨籍懼久而磨滅  
特取家藏搨本重刻於石行人司副姑蘇周君得此  
卷出以示余瞻仰之餘肅然起敬因識於下方嗚呼  
世之惡直醜正髣髴於京者覽此碑尙亦自省哉盱  
江何喬新識

椒邱文集

此碑自靖國五年毀碎遂稀傳本今獲見之猶欽寶  
籙矣當毀碑時蔡京厲聲曰碑可毀名不可滅嗟乎  
烏知後人之欲不毀之更甚於京乎諸賢自涑水肩  
山數十公外凡二百餘人史無傳者不賴此碑何由  
知其姓氏哉故此擇福之道莫大乎與君子同禍小  
人之謀無往不復君子也石工安民乞免著名今披  
此籍諸賢位中赫然有安民在

倪元璐跋

元祐黨籍徽宗書之立石端禮門其初九十八人爾  
旣而蔡京復大書頌郡縣以上書人及已所不喜者  
作附麗人添入凡三百九人碑稱皇帝嗣位之五年  
蓋崇寧四年也是時籍中曾任宰臣執政者十無一  
存曾任待制及餘官亦已零落過半亡者毀其繪像  
及所著書奪其墳寺存者定爲邪等降責編管荒徼

禁不得同州住其子弟亦不得詣闕下小人之快意  
未有甚于斯時者矣豈復有所忌憚乎其後張綱看  
詳謂王珪一名不合在籍自九十七人外益以上官  
均岑象求江公望范柔中鄧考甫孫諤六人共一百  
三人皆係名德之臣許子孫陳乞恩例次數而龔頤  
正遂采三百九人之事跡成元祐黨籍列傳譜述一  
書凡一百卷蓋惟恐其闕然則小人之厄君子適以  
榮之士之自立宜審所擇矣京所書刊石滿天下惟  
桂林勒之崖壁故至今獨存碑後王珪章惇姓名漫  
漶者爲瀑泉所泐也

曝書亭集

晁氏客語云紹聖初籍定元祐黨止數十人世以爲  
精選後乃汎濫人以得與爲榮而議者不以爲當也  
張文簡綱華陽集有紹興間進劄子云臣等看詳黨  
籍人姓名見于碑刻者有二本一本計九十八人一  
本三百九人內九十八人係崇寧初所定多得其真  
其後蔡京再將上書人及已所不喜者附麗添入黨  
籍汎濫雜冗遂至三百九人看詳得九十八人內除  
王珪不合在籍自餘九十七人多是名德之臣所有  
三百九人除九十七人係前石刻所載其餘更有侍  
從上官均岑象求餘官江公望范柔中孫諤鄧考甫

等六人名德亦顯然可見共計一百三人依得累降  
推恩指揮許子孫陳乞恩例云云宰臣文彥博執政  
梁燾等十六人待制以上蘇軾等三十五人餘官秦  
觀等三十九人以此攷之蔡京手定黨籍原有二本  
南渡合二本詳定爲三本王伯厚小學紺珠載三百  
九人乃京第二本龔頤正列傳譜述一百卷凡三百  
五人又不可詳者四人亦據第二本也今此碑列章  
亭李清臣張商英賈易楊畏輩蓋亦第二本未經南  
渡詳定者慮爲諸賢之玷故詳著之云

帶經  
堂集

余同官黃州司馬于北溟成龍由粵西來贈余元祐

黨籍碑一本云碑在柳州之融縣乃黨人沈千曾孫  
沈暉刻也暉跋云元祐黨籍蔡氏當國實爲之徽廟  
過悟乃詔黨人出籍高宗中興復加褒贈及錄其子  
若孫公道愈明節義凜凜所謂詘于一時而信于萬  
世矣其行實大槩則有國史在有公議在餘官第六  
十三人迺暉之曾祖父也後復官終提點杭州集真  
觀贈奉政大夫暉幸託名節後敬以家藏碑本鑲諸  
玉融之真仙岩以爲臣子之勸云嘉定辛未八月旣  
望朝奉郎權知融川軍州兼管內勸農事古雪沈暉  
謹識又周元亮先生書影亦載此碑一則附錄之

偶筆

書影云倪文正題元祐黨碑云云余凡兩見此碑各不同碎碑之後宜無可搨當時令郡邑各建之或尙有存者故其式弗一耳

鈞廊偶筆

元祐黨籍碑世所見者皆西粵重勒本是刻爲故相梁公燾曾孫律所重勒而吉州饒祖堯跋之其中注已故者六十餘人則西粵本所無也內臣之後另書王珪之名而愆之曰爲臣不忠曾任宰執章惇亦與西粵本不同王丞相雖具臣故不應與章同列當以梁碑爲是也

鮎琦亭集

余得黨籍碑二本一沈疇所跋者一饒祖堯所跋者饒本視沈本字樣較大又題額沈是正書饒是八分書按書影謂當時令郡邑各建之或尙有存者故其式弗一沈饒摹刻之不同以此故也

觀妙齋金石攷畧

碑完具其立此者朝奉郎權知融州軍州兼管內勸農事古雲沈疇也疇爲沈干之曾孫以家藏碑本鐫諸玉融之真僊巖碑式凡三截上橫勒蔡京書題云皇帝嗣位之五年証之於史實崇寧三年也徽宗紀六月戊午詔重定元祐元符黨人及上書邪等者合爲一籍通三百九人刻石朝堂今碑悉與史合惟碑

所言皇帝書而刊之石置於文德殿之東壁崇寧元年籍元

祐及元符諸臣百二十人御書刻石端禮門見本紀則史未嘗載上自書也史

摠計元祐元符而碑止題元祐黨籍較史微有異文

蓋固以元祐為首惡而大書特書之與中截文臣內

分宰執侍從餘官又有武臣內臣並列其名次然碑

以司馬光居宰執第一而紀則首文彥博碑以內臣

張士良武臣王獻可為第三而史則悉列于首蓋為

重定之次如此又書為臣不忠曾任宰官二人王珪

章惇不與上諸官連案是事在三年二月己酉詔王

珪章惇別為一籍如元祐黨今碑另行所書是也下

載惇自記刻石始末為臣子之勸嗚呼京之計欲其

死力以沉錮幽埋此諸君子者今反借力而譽揚然

則京之愚為可悲而惜不早覺悟也授堂金石跋

按元祐姦黨姓名有二碑一立於崇寧元年之九月

徽宗手書刻石置端禮門凡百有二十人首文彥博

明年九月臣僚請頒端禮門石刻於外路州軍一立

於三年之六月徽宗手書刻石置文德殿門之東壁

凡三百九人首司馬光又命蔡京書大碑頒之天下

此在長編及宋紀具有明文京所書者乃三百九人

非百二十人也而陳桎通鑑續編於崇寧二年大書

云頒蔡京所書元祐姦黨碑刻石於州縣三年則但  
去重定元祐元符黨人刻石於朝堂反不及蔡京書  
碑事薛應旂王宗沐皆因之何其謬也

畢沅續資治通鑑攷異

右元祐黨籍碑徽宗朝元有兩本崇寧元年九月己  
亥御書刻石於端禮門者此初本也三年六月戊午  
重定一籍通三百九人御書刊石置文德殿門東壁  
又詔蔡京書頒之州縣令皆刻石此再刻本也五年  
正月以星變除毀朝堂石刻如外處有石刻亦令除  
毀而元刻無有存者今世所傳乃南宋人所翻三百  
九人之本一在靜江府有慶元戊午饒祖堯跋一在

融州有嘉定辛未沈暉跋饒本字畫較大於諸臣身  
故者名下注一故字與沈本異沈本末一行爲臣不  
忠曾任宰臣王珪章惇兩人饒本有惇無珪饒本內  
臣有王化臣一人沈本無之袁公適饒本誤袁爲充  
馮百藥沈本誤馮爲洪龔夫饒誤作史饒本額元祐  
黨籍四字八分書沈本額元祐黨籍碑五字正書按  
崇寧詔書云三百九人以兩碑所列姓名數之皆闕  
其一當於饒本增入王珪一人沈本增王化臣一人  
乃得其實餘官內湯鉞以下四十八人當移於衡鈞  
之前則兩本皆誤當依宋史新編正之子嘗讀新定

續志知淳安縣學亦有元祐黨籍碑縣尉司馬逯所  
刊不審今尙存否夫是非之心人皆有之也而姦臣  
欲以紹述之說奪之紹述爲孝則更改爲姦人主聽  
之亦若近理雖然忠孝者一家之私也是非者萬世  
之公也文武之子孫以紹述爲孝幽厲之子孫亦可  
以紹述爲孝乎神宗所用之人所勅之法海內皆以  
爲非獨其臣子是之又以議論之不能勝而假威力  
以勝之而人心終不服也人主之權能行於一時不  
能行於萬世讀黨籍之碑崇寧君臣幾大快於心矣  
豈知人心所不服卽天心所不祐向以入此籍爲辱

者後且以不得與此籍爲恥矣若夫曾布張商英楊  
畏之翻覆無特操者蔡京雖抑之而後世終不能揚  
之此又由乎其人之能自立而非可僥倖以取名也

潛研堂金石文跋尾

元祐黨籍碑姓名攷

### 文臣曾任宰臣執政官

司馬光

故史傳字君實陝州夏縣人神宗朝累加資政殿學士居洛陽十

五年帝崩赴闕臨謁爲門下侍郎元祐元年九月薨贈太師溫國公謚文正紹聖初御史周秩首論光誣謗先帝章惇蔡京請發冢斲棺帝不許乃令奪贈謚惇言不已追貶清遠軍節度副使又貶崖州司戶參軍徽宗立復太子太保蔡京擅政復降正議大夫京撰姦黨碑令郡國皆刻石長安石工安民當鐫字辭曰民愚人固不知立碑之意但如司馬相公者海內稱其正直今謂之姦邪民不忍刻也府官怒欲加罪泣曰被役不敢辭乞免鐫安民二字於石未恐得罪後世聞者愧之靖康元年還贈謚建炎中配享哲宗廟庭 邵

氏聞見錄公既改新法或謂公曰元豐舊臣如章惇呂惠卿輩皆小人他日有以父子之義聞上則朋黨之禍作矣不可不懼公正色曰天若祚宋必無此事遂改之

文彥博

故史傳字寬夫汾州介休人神宗朝累拜太尉請老不疑以太師致仕居洛陽元祐初司馬光薦彥博宿德

元老宜起以自輔宣仁后命平章軍國重事居五年復致仕紹聖初章惇秉政言者論彥博朋附司馬光詆毀先烈降太子少保卒崇寧中預元祐黨籍後特命出籍追復太師

呂公著

故史傳字晦叔夷簡子元祐三年累拜司空師諡曰忠烈

公諡曰正獻紹聖元年章惇為相以翟思張商英周秩居言路論公著更熙豐

法度削贈謚再貶建武軍節度副使昌化軍司戶參軍徽宗立追復太子太保蔡京擅政復降左光祿大夫入黨籍尋復銀青光祿大夫紹興初悉還贈謚

呂大防

故史傳字微仲其先汲郡人後家藍田

元祐中累尚書左僕射兼門下侍郎立朝八年乞避位未幾左正言上官均論其曠壞役法右正言張商英御史周秩劉拯相繼攻之奪學士知隨州貶祕書監分司南京居鄧州言者又以修神宗實錄直書其事為詆毀徙安州紹聖四年貶舒州團練副使安置循州至虔州病薨徽宗即位復其官高宗紹興初又復大學士贈太師宣國公諡曰正愍 續資治通鑑紹聖元年三月乙亥尚書左僕射呂大防罷大防位首相踰六年當國日久羣怨皆歸及宣仁始耐廟侍御史來之邵乞先逐大防以破大臣朋黨因疏列神宗簡拔之人章惇安燾惠卿等以備進用大防亦自求去位帝亟從之詔以觀文殿大學士知穎昌府後

二日改知永興軍 又曰三年七月己亥詔知渭州寶文閣待制呂大忠特除

寶文閣直學士知秦州大忠因言臣弟大防自罹謫籍流落累年恐一旦不虞倏先朝露死生隔絕銜恨無窮伏乞寢臣已除職名只量移大防陝西州郡居住不聽

劉摯

故史傳字莘老永靜東光人元祐六年

拜尚書右僕射為朋讒奇中累徙青州紹聖初來之邵周秩論摯變法棄地罪奪職知黃州再貶光祿卿分司南京蘄州居住四年陷邪怨之謗貶鼎州團練

副使新州安置至數月以疾卒復遭謗免其子官與家屬徙英州凡三年死于瘴者十八徽宗立詔反其家屬復摯中大夫蔡京為相降朝散大夫後又復觀

文殿大學士太中大夫紹興初贈少師諡曰忠肅 東都事略摯渤海人紹聖初再貶光祿卿分司南京鄆州居住元符三年復中大夫蔡京為相降朝請大

夫與史小異 通鑑輯覽元符三年徽宗即位三月詔許劉摯歸葬錄其子孫五月追復官 朱子名臣言行錄引劉大諫序公文集云公自青社罷職知黃

州又分司徙蘄州語諸子曰上用章丞相吾勢當得罪若章君顧國事不遷怒百姓但責吾曹死無所恨第恐意在報復法令益峻奈天下何憂形于色初無一言及遷謫也 續資治通鑑紹聖四年十二月癸未鼎州團練副使新州安

置劉摯卒先是蔡京安惇共治文及甫事將大有所誅戮會星變帝諭曰朕遵祖宗遺志未嘗誅殺大臣劉摯等可釋勿治然京惇極力鍛鍊 范純仁

不少置而梁燾先卒後七日摯亦卒眾皆疑兩人不得其死 故史傳字堯夫仲淹次子元祐中累拜右僕射章惇為相純仁堅請去遂

知穎昌府徙陳州既而呂天防等竄嶺表純仁上疏申理之忤惇意落



職知隨州明年又貶武安軍節度副使水州安置徽宗即位即日授光祿卿分  
司南京鄧州居住道除右正議大夫提舉崇福宮不數月以觀文殿大學士充  
中太一宮使純仁乞歸許養疾建中靖國改元元旦受家人賀明日熟寐而卒  
贈開府儀同三司謚曰忠宣 通鑑輯覽貶武安軍節度副使安置于循新雷  
化永五州 曾肇撰范文正公墓誌除給事中時哲宗宣仁太后共政司馬溫  
公入相首改差役法公聞之謂人曰此事當孰講而緩行不然滋為民病且宰  
相職在求人變法非所先也還朝力為溫公言之溫公有所建請公復言宰相  
當虛心以延眾論不必謀自己出謀自己出則諂諛得乘間迎合而正士將卷  
懷退避公與溫公雖同志及臨事有所矯正類如此 邵氏聞見錄元祐三年  
有吳處厚者以蔡確題安州車蓋亭詩來上以為謗訕宣仁太后得之怒曰蔡  
確以吾比武后當重謫呂汲公為左相不敢言忠宣乞薄確罪不從初議貶確  
新州忠宣謂汲公曰此路荆棘已七八十年吾輩開之恐不自免汲公又不  
言忠宣因乞罷政 通鑑輯覽紹聖四年范純仁謫武安軍節度副使安置于  
循新雷化永五州純仁時因疾失明問命怡然就道或謂近名純仁曰七十之  
年兩目俱喪萬里之行豈其欲哉但區區之愛君有懷不盡若避好名之嫌則  
無為善之路矣諸子欲以與司馬光議役法不同為請與得免行純仁曰吾用  
君實薦以致宰相昔同朝論事不合則可汝輩以為今日 韓忠彥 史傳  
之言則不可也有愧心而生不若無愧心而死其子乃正 朴琦子元祐中累知真定府移定州坐棄地降資政殿學士改知大名府徽宗  
即位以吏部尚書召拜門下侍郎踰月拜尚書右僕射兼中書侍郎進左僕射

兼門下侍郎封儀國公而曾布為右相多不協言事者助布排忠彥以觀文殿  
大學士知大名府又以欽聖欲復廢后為忠彥罪再降太中大夫懷州居住又  
論忠彥在相位不應棄澶州謫崇信軍節度副使濟州居住逮復澶州謫磁州  
團練副使復太中大夫遂以宣奉大夫致仕卒 通鑑輯覽崇寧元年五月忠  
彥為相與曾布不協左司諫吳材右正言王能甫附布 曾布 史傳臣傳  
論忠彥變神考之法度逐神考之人才遂罷知大名府 豐人紹聖初拜同知樞密院進知院事布贊停紹述甚力請甄賞元祐臣庶論  
更役法不便者以勸敢言悖遂與大獄陷正人流貶鵠廢略無虛日布多陰擠  
之徽宗立拜布右僕射明年改元建中靖國獨當國漸進紹述之說明年又改  
元崇寧罷為觀文殿大學士知潤州坐贓賄落職提舉太清宮太平州居住又  
降司農卿分司南京又責散官衡州安置又以棄澶州責賀州別駕又責廉州  
司戶凡四年徙舒州復大中大夫提舉崇福宮大觀元年卒于潤州後贈觀文  
殿大學士謚曰文肅 通鑑輯覽崇寧元年閏六月曾布免布與蔡京素自隙  
議事多不合會布擬婿父陳佑甫為戶部侍郎京言布私其所親布忿然爭辨  
久之帝不悅殿中侍御史錢適言布援元祐之 梁燾 故史傳字况之鄆  
州須城人紹聖  
元年知鄆州朋黨論起以司馬光黨黜知鄆州三年再貶少府監分司南京明  
年三貶雷州別駕化州安置卒 通鑑輯覽元符三年徽宗即位三月詔許梁  
燾歸葬錄其子孫 宏簡錄紹聖元年黨論起上猶記其立論中  
正多所開陳盡出公議以故最後謫徙其子昭州徽宗立始得歸 王巖



叟

故史傳字彥霖大名清平人元祐六年拜樞密直學士簽書院事宰相劉摯為御史鄭雍所擊巖叟連上疏論救摯去位御史遂指為黨罷為端明殿學士知鄭州明年徙河陽數月卒贈左正議大夫紹聖初追貶雷州別駕張舜民撰墓誌曰公拜樞密直學士僉書樞密院事進曰或問有以君子小人參用之說告陛下者不知果有之否此乃深誤陛下也自古君子小人無參用之理聖人唯說君子在內小人在外則成泰小人在內君子在外則成否若君子既進小人不能與君子同事自然不得親近小人既進君子不肯與小人爭進自然稍稍引去君子與小人競進則危亂之機也

蘇轍

史傳字子由與兄軾同登進士紹聖初上疏哲宗覽奏以為引漢武方先朝落職累責筠州居任三年又責化州別駕雷州安置徽宗即位徙永州岳州已而復大中大夫提舉鳳翔上清太平宮崇寧中蔡京當國又降朝請大夫罷祠居許州復大中大夫致仕政和二年卒追復端明殿學士淳熙中謚文定按史云三年又責化州別

王存 故史傳字正仲潤州丹陽人元祐三年累遷駕通鑑輯覽作四年 尚書左丞歲餘加資政殿學士吏部尚書時在廷朋黨之論寢熾存為哲宗言人臣朋黨誠不可長然或不察則濫及善人由是復與任事者屏除知大名府改知杭州紹聖初請老提舉崇禧觀還石

鄭雍 故史傳字公肅襄邑人哲宗正議大夫致仕既而降通議大夫建中靖國元年卒贈左銀青光祿大夫立拜尚書左丞紹聖初治元祐眾臣雍頓首自列周秩乘隙詆之謂雍初為侍從時因徐王私於權臣以進哲宗怒黜秩二年以資政殿學士知陳州徙北京雷守坐元祐黨奪職知鄭

州改成都府元符元年提舉崇福宮歸未至而卒政和中復資政殿學士元祐四年累拜中書侍郎六年卒贈銀青光祿大夫謚曰獻簡紹聖中以元祐黨人奪贈謚著名黨籍後黨綱解下詔褒贈錄其子

趙瞻 故史傳字大觀其先亳州永城人徙鳳翔之整屋元祐三年累擢樞密直學士簽書樞密院事明年以中大夫同知院事五年卒贈銀青光祿大夫謚曰懿簡紹聖中言者以傳會元祐諸臣追奪所贈官列于黨籍

韓維 故史傳字持國億第五子哲宗朝累以太子少傅致仕轉少師紹聖中坐元祐黨降左朝議大夫再謫崇信軍節度副使均州安置元符元年復左朝議大夫是歲卒徽宗初悉追復舊官通鑑輯覽紹聖四年落職

孫固 故史傳字和父鄭州管城人元祐二年知樞密院事累官右光祿大夫五年卒贈開府儀同三司謚曰溫靖紹聖時奪遺澤元符二年奪所贈官列元祐黨籍政和中徽宗以固嘗為神宗宮僚特出籍悉還所奪

范百祿 故史傳字子功鎮兒錯之子元祐中累拜中書侍郎罷為資政殿學士知河

廟後累官朝議大夫卒 胡宗愈 故史附胡宿傳宿從子字完夫元祐初累御史為資政殿學士知陳州徙成都府召為禮部尚書遷吏部卒 又弟宗回傳

云徽宗時官待制歷慶渭陳延澶

李清臣

故史傳字邦直魏人哲宗即位累拜中書侍郎紹

聖元年廷試進士清臣發策皆紬元祐之政于是紹述之論大興國是遂變章

惇入相逐諸臣并籍文彥博呂公著以下三十人將悉竄嶺表清臣曰更先帝

法度不為無過然皆累朝元老若從惇言必大駭物聽帝曰是豈無中道耶令

揭榜朝堂置餘人不問坐狂婦人告清臣謀反以大學士知河南尋落職知真

定府徽宗立入為門下侍郎尋為會布所陷出知大名府而卒贈金紫光祿大

夫按狂婦人者据宏簡錄是姑子田氏外婦東都事畧清臣以元符中章

疏詆此少朝追奪職名言者又以清臣與韓忠彥黃履執政日請復元祐皇后

義非所安再貶雷州司戶參軍又東都事畧李清臣傳論曰紹聖之初清臣

復被任用不以公正事上而乃謀取宰相首以紹述激怒上意自是朋黨論起

而士夫蒙其患矯誣之說行而聖君負其謗朝廷不復安靜而清臣亦不得相

矣通鑑輯覽建中靖國元年冬十月李清臣罷清臣與韓忠彥有

姻好忠彥惟其言是聽范純禮之罷亦其謀也至是以忤會布免

劉奉世史附劉攽傳攽子字仲馮紹聖元年以端明殿學士知成德軍改定州踰

先朝法無一當者奉世有力焉最為漏網恐不足見遂不許明年黃光祿少卿

分司南京居柳州再被刑恕劾貶隰州團練副使徽宗立盡還其官職知定州

大名府鄆州崇寧初再奪職責居沂兗以赦得歸政和三年復端明殿

學士薨通鑑輯覽紹聖四年黃光祿少卿柳州居住尋安置柳州

范純禮知穎昌府提舉崇寧宮崇寧中啓黨禁貶試少府監分司南京又貶靜

江軍節度副使徐州安置徙單州五年復左朝議大夫提舉鴻慶宮卒通鑑

輯覽范純禮字彝惠仲淹中子紹聖四年蔡州居住徽宗即位累擢尚書右丞

建中靖國元年六月罷純禮沈毅剛正會布憚之謂駙馬都尉王誥曰上欲除

君承旨范右丞不可訖怒會誥館遼使純禮主宴誥誣其輒斥御名遂罷知穎

昌府崇寧二年六月論棄隍

安燾史傳字厚卿開封人登第元祐中累官

州罪貶靜江軍節度副使

襄出知鄭州徙大名徽宗立復知樞密院以老避位知河南崇寧元年坐棄隍

州議其罪降端明殿學士再貶寧國軍節度副使漢陽軍安置隍州復又降祁

州團練副使鄆州復又移建昌軍閩再歲

復通議大夫還洛卒後五歲悉還其官職

陸佃故史傳字農師越州山

尚書左丞御史欲更懲元祐餘黨佃為徽宗言不宜窮治乃下詔申論揭之朝

堂讒者用是詆佃曰佃名在黨籍不欲窮治正恐自及耳遂罷為中大夫知毫

州數月卒追復

黃履故史傳字安中邵武人紹聖初累拜尚書右丞坐

資政殿學士

右丞未踰年求去卒東都事畧黃履始以文學進初附蔡確謀定策事復附

章惇排擊元祐之臣時議嫉之後以復后事追貶郴州團練副使宏簡錄黃

履以救劾浩罷知亳州徽宗立召為資政殿學士

兼侍讀復拜右丞加大學士提舉中太一宮卒

張商英史傳字天覺蜀

州新津人哲宗

宋二十一

宋二十一

宋二十一

宋二十一

初累使河北江西淮南哲宗親政召為右正言左司諫商英積憾元祐大臣不用已極力攻之惇燾交惡商英欲助惇求所以傾燾者哲宗不直商英徙左司員外郎既與漸交關事皆露責監江寧酒起知洪州累遷中書舍人謝表歷詆元祐諸賢眾益畏其口徽宗出為河北都轉運使降知隨州崇寧初為吏部刑部侍郎翰林學士蔡京拜相商英雅與之善尋拜尚書左丞復與京議政不合屢詆京罷知亳州入元祐黨籍京罷相削籍知鄂州京復相以散官安置歸陝二州大觀四年京再遷起知杭州過闕留為資政殿學士拜尚書右僕射坐方技郭天信事累貶衡州安置繼復還故官職宣和三年卒贈少保紹興中賜諡文忠續資治通鑑崇寧二年八月戊申詔張商英秉國機政議論反復臺憲交章豈容在列可落職知亳州臣僚因言商英作為謗書肆行誣詆宜更加誅責置之元祐黨中辛酉詔以商英入元祐黨籍改知蘄州尋罷職提舉靈仙觀攷異曰李壽曰蔡條國史後補饒法篇云鈔法既行一日權貨務申入納見錢已積三百萬縉魯公將上進呈上駭曰直有爾許邪張丞商英時為中書侍郎忽僂進曰啓陛下皆虛錢魯公愕然即奏曰臣據有司申如此商英今以謂虛錢乞命商英與臣各選差官點檢字號分明皆在庫也翼日奏聞張大慙由是不安後又以陰通宮禁事未幾罷去又宣和殿記魯公在元豐中與商英素厚善其後商英出入魯公門下又與伯氏親翼魯公將為相商英預為草麻其辭甚美遂拜右丞遷中書侍郎及爭進頗攻魯公一日上在禁中偶視貴人之冠釵間垂一小卷文書戲取開視之乃細字曰張商英乞除右僕射上語貴人汝勿預外庭事因密降出示魯公上大怒而貴人方不安位魯公亦甚懼曰此獨

商英無狀耳恐事干宮禁不可治於是掩之以他事黜商英

**蔣之奇**

故史傳字穎叔常州宜興人元祐初累拜翰林學士兼侍讀坐責守汝州徙慶州徽宗立拜知樞密院事崇寧元年知杭州以棄河湟事奪職降中大夫以疾告歸提舉靈仙觀二年卒後錄其嘗陳紹述之言盡復官職

**曾任待制以上官**

**蘇軾**

故史傳字子瞻眉州眉山山人元祐七年兼端明殿翰林侍讀兩學士為禮部尚書哲宗親政出知定州紹聖初御史論軾掌內外制日

所作詞命以為譏斥先朝累貶寧遠軍節度副使惠州安置徽宗立移廉州改舒州團練副使徙永州赦還提舉玉局觀復朝奉郎建中靖國元年卒軾自為舉子至出入侍從必以愛君為本忠規讜論羣臣無出其右但為小人忌惡不使安於朝廷之上通鑑輯覽紹聖四年蘇軾自惠州徙昌化軍東坡年譜四年五月責授瓊州別駕昌化軍安置宏簡錄高宗贈資政殿學士孝宗乾道六年特贈太師謚文忠馬光入相薦為祕書省正字累知成德軍章惇用事尤忌惡之黜知南安軍再貶少府少監三貶新州別駕安置英州又徙梅州徽宗即位以集賢殿修撰知鄆州真定府曾布又忌之不使入朝蔡京既相連七謫至峽州羈管稍復承議郎卜居宋都宣和六年復待制中書舍人明年卒通鑑輯覽紹聖四年劉安世自英州徙高州元符元年七月再竄于梅州安世至貶所章惇將必致之死陰令殺陳衍使者過梅脇安世使自裁使者不忍而止惇又擢土豪為轉運判

官使殺之判官承意疾馳未至三十里嘔血而死安世獲免 朱子名臣言行錄公徧歷言路正色立朝知無不言言無不盡每以辨是非邪正為先進君子退小人為急其面折廷爭至雷霆之怒赫然則執簡却立伺天威稍霽復前極論一時奏對且前且却者或至四五殿廷觀者皆汗縮竦聽目之曰殿上虎又曰惇十用事必欲致公於死故方竄廣東則移廣西既抵廣西則復徙廣東凡二廣間遠惡州軍無所不至人皆謂公必死然七年之間未嘗一日病年幾八十堅悍不衰此非人力所及殆

**范祖禹** 故史附范鎮傳鎮從孫字淳甫一字夢得哲宗立累為禮部侍郎侍講學士紹述之論與有相章惇意祖禹力言惇不可用不見從遂請外以龍圖閣學士知陝州言者論祖禹修實錄詆誣又摭其諫禁中履乳媪事追貶武安軍節度副使昭州別駕安置永州賀州又徙賓化而卒建炎二年追復龍圖閣學士 通鑑輯覽紹聖四年范祖禹自賀州徙賓州元符元年七月再竄于化州

**朱光庭** 故史附朱景傳景子字公揆哲宗即位司馬光薦為左正言累加集賢院學士感疾卒紹聖中追貶柳州別駕元符又停錮其諸子徽宗立復其官 按東都事略作追貶郴州別駕餘俱同

**姚勔** 故史無傳通鑑輯覽紹聖四年馬默單州居住 故史附趙安仁傳安仁孫字無愧累知應天府紹聖四年趙君錫亳州居住 累改河北都轉運使久之告老提

**孔武** 舉鴻慶宮紹聖時坐附司馬光致仕卒紹興中以其子純請贈開府儀同三司加贈太保 通鑑輯覽紹聖四年馬默單州居住

**仲** 故史附文仲傳文仲弟字常父元祐中累以寶文閣待制知洪州徙宜州坐元祐黨奪職居池州元符末追復之 通鑑輯覽紹聖四年孔武仲池州居住

**孔文仲** 故史傳字經父臨江新喻人元祐初哲宗召為中書舍人三年同知貢舉先有寒疾及是晝夜不廢職疾甚卒後追貶梅州別駕元符末復其官 通鑑輯覽紹聖四年孔文仲追貶別駕

**吳安持** 故史附吳充傳充次子遷工部侍郎仕 錢勰 故史附錢惟演傳惟演從孫字穆父哲宗時翰林終天章閣待制 錢勰 缺學士帝以命勰仍兼侍讀極排詆諷全臺

**李之純** 故史傳字端伯滄州無棣人元祐攻之不巳罷知池州卒元 符末追復龍圖閣學士 中累改工部尚書紹聖中劉拯劾其阿附蘇轍出知單州卒 通鑑輯覽李之純字端明似訛

**孫覺** 故史傳字莘老高郵人哲宗即位累擢御史中丞以疾請罷除龍圖閣學士提舉舒州靈仙觀卒紹聖中以覺為元祐黨奪職追兩官徽宗即位復官職

**鮮于侁** 故史傳字子駿閬州人哲宗立召為太常少卿在職三月以疾求去除集賢殿修撰知陳州卒 東都事略紹聖間以侁為元祐黨削左諫議大夫集賢殿修撰遂與黨籍云

**趙彥若** 故史附趙師民傳師民子試中書舍人

**趙高** 故史附趙師民傳師民子試中書舍人

史傳字公才邛州依政人元祐五年拜端明殿學士遷大中大夫卒贈右光祿大夫紹聖四年以高與元祐棄地議係其名於黨籍通鑑輯覽紹聖四年趙

尚道奪王欽臣故史附王洙傳洙子字仲至元祐中累改集賢殿修官秩撰知和州徙饒州提舉太平觀徽宗立復待制知

成德軍卒通鑑輯覽紹聖四年王欽臣信州居住孫升故史傳字君孚高郵人哲宗立累以天章閣待制知應天府董敦逸黃廷基

撫升過改集賢院學士紹聖初翟思張商英又劾之削職知房州歸州貶水部員外郎分司又貶果州團練副使汀州安置卒通鑑輯覽紹聖四年孫升峽

州居李周故史傳字純之馮翊人哲宗立累改集賢殿修撰卒紹聖中追貶賀州別駕後復舊職通鑑輯覽紹聖四年李周追

奪官秩王汾故史附王禹偁傳禹偁曾孫仕至工部侍郎後入元祐黨貶別駕籍通鑑輯覽王汾謫作王放紹聖四年落職致仕

韓川故史傳字元伯陝人元祐中累以龍圖閣待制守穎號二州與孫州安置徽宗立得故官知青襄二州卒

通鑑輯覽紹聖四年韓川隨州居住顧臨故史傳字子敦會稽人紹聖初以龍圖閣學士知

定州徙應天河南府中人梁惟簡坐營事宣仁太后得罪過洛轉運使郭茂恂狗時宰意劾臨與之宴集奪職知歙州又以附會黨人斥饒州居住卒徽宗立

追復之通鑑輯覽紹聖四年顧臨元符累謫保靜軍行軍司馬邵州安置徽宗四年顧臨饒州居住賈易

宗立召為太常少卿進右諫議大夫改權刑部侍郎歷工部吏部未滿歲為真以寶文閣待制知鄧州入黨籍

公著三子字子進元祐初歷權太常少卿章惇既相出為寶文閣待制知亳州諫官張商英憾希純攻之力徙睦州歸州自京東而之浙西自浙西而上三峽

名為易地實困之也公著追貶希純亦以屯田員外郎分司南京居金州又責舒州團練副使道州安置建中靖國元年還為待制知瀛州改潁州入崇寧黨籍卒

通鑑輯覽紹聖四年呂希純金州居住史論曰公著父子俱位至宰相希哲希純世濟其美然皆陷於崇寧黨籍何君子之不幸歟

曾肇史附曾肇傳肇弟字子開元祐末累知瀛州坐寶錄譏訕降滁州復集賢殿修撰歷泰州海州徽宗即位復召為中書舍人元祐臣僚被譴者咸以

救恩甄叙肇請併錄死者訓詞哀厚惻怛讀者為之感愴遷翰林學士兼侍讀建中靖國元年兄布在相位避禁職拜龍圖閣學士提舉中太一宮未幾出知

陳州歷太原應天二府楊定二州崇寧初落職謫知和州徙岳州繼貶濮州團練副使安置汀州四年歸潤而卒兄布與韓忠彥並相日夕傾危之肇既居外

移書告之曰兄方得君當引用善人正道以杜惇卞復起之萌而數月以來所謂端人吉士繼跡去朝所進以為輔佐侍從臺諫往往皆前日事惇卞者比來

主意已移小人道長進則必論元祐人於帝前退則盡排元祐者於要路異時惇卞縱未至一蔡京足以兼二人可不深慮布不能從未幾京得政布與肇俱

不免紹興初謚曰文昭朱子名臣言行錄引行述云時有陳大中至正之論者以元祐紹聖均為有失魯公稱上命命公推此意為詔諭天下公見上言陞

下欲建皇極以消弭朋黨須先分君子小人賞善罰惡不可偏廢開說甚至

**王觀**

史傳字明叟泰州如皋人哲宗立擢右正言進右司諫觀在言路欲

黨論滋熾夫學士命詞失指其事尚小使士大夫有朋黨之名大患也帝深然

初知成都府徙河陽貶少府少監分司南京又貶鼎州團練副使徽宗即位還

故職知永興軍過闕畱為工部侍郎遷御史中丞改翰林學士知潤州徙海州

罷主管太平觀安置臨江軍觀持正論始終再罹譴逐不少變無疾卒紹興初

追復龍圖閣學士通鑑輯

覽紹聖四年王觀通州居住

州紹聖初坐元祐棄地事降直龍圖閣明年復以寶文閣待制知熙州歷滑州

旋以元祐黨人奪職知均州徽宗立起知信州復故職知太原再臨延州改知

永興軍尋以言者落職知金州提舉鴻慶宮又責常州別駕鄂州安置錮子弟

不得擅入都會放復領祠久之以右文殿修撰提舉大宮宮禁解復徽猷閣

待制致仕卒通鑑輯覽紹聖四年范純粹均州居住續資治通鑑虞仙姑

者年八十餘行大洞法帝嘗問仙姑致太平之期對曰當用賢人帝曰賢人謂

誰曰范純粹也帝以語京京曰此元祐臣僚所使

遂逐之于是士大夫爭言虞仙姑亦入元祐黨矣

**呂陶**

史傳字元鈞成都人元祐中以

集賢院學士知陳州徙河陽潞州奪職再貶庫部員外郎分司徽宗立

復集賢殿修撰知梓州致仕卒通鑑輯覽紹聖四年呂陶衡州居住

**王古**史附江公望傳建中靖國元年御史中丞趙挺之與戶部尚書王古同

理通欠古多所蠲釋挺之劾古傾天下之財以為私惠公望乃上疏曰

臣聞挺之與古論事每不相合屢見於辭氣懷不平之心有待而發俚語有之

私事官離此小人之所不為而挺之安為之豈忠臣乎續資治通鑑考異同

時有兩王古其一官戶部尚書乃且之曾孫在曾任待制以

上其一在餘官蓋以元符上書列邪等得罪者其爵里未詳

**豐稷**史

字相之明州鄞人元祐中累知河南府加龍圖閣待制連徙六州徽宗立以左

諫議大夫召道除御史中丞以樞密直學士守越蔡京得政修故怨貶海州團

練副使道州別駕安置台州除名徙建州稍復朝請即卒建炎中追復學士謚

曰清敏通鑑輯覽建中靖國元年十一月罷禮部尚書豐稷稷初自河南入

對論罷蔡京又欲率臺屬論會布布覺之遷稷尚書稷數以論事忤

權近及是出知蘇州崇寧二年正月蔡京蔡卞陷以黨事安置台州

**張舜**史傳字芸叟邠州人哲宗初司馬光薦以館閣校勘進秘書少監累知陝

西使商州安置復集賢殿修撰卒紹興中追贈寶文閣

直學士通鑑輯覽崇寧二年正月張舜民安置商州

**張問**故史傳字

陽人元祐初為祕書監給

事中原官正議大夫卒

**楊畏**史傳字子安其先遂寧徙洛陽累提點

夔州路刑獄元祐初請祠歸洛恐得罪

司馬光稱其盛德光卒復言其不知道呂大防劉摯為相用為工部員外郎擢  
殿中侍御史助大防攻摯十事摯罷蘇頌為相畏復攻頌頌罷畏欲蘇轍為相  
宣仁后召范純仁畏攻純仁畏本附轍知轍不相復詆轍其傾危反覆如此遷  
禮部侍郎薦章惇呂惠卿可大任廷試發策有紹述意考官第主元祐者居上  
畏復考悉下之惇入相畏遣所親陰結之惇至徙畏吏部第以實文閣待制知  
真定府天下目為楊三變謂其進於元豐顯於元祐遷於紹聖也尋落職知虢  
州入元祐黨後知鄆州復集賢殿修撰知襄州移荆南提舉洞霄宮未  
幾知鄆州再丐祠主管崇禧觀蔡京為相出黨籍尋復實文閣待制卒 鄒

浩 史傳字志完常州晉陵人元祐中擢右正言蹇序辰看詳元祐章奏公肆  
詆欺輕重不平浩言初旨但分兩等語及先帝并語言過差而已今所施  
行混然莫辨願加省察章惇獨相浩所言每觸惇忌賢妃劉氏立浩上疏惇詆  
其任妄削官羈管新州徽宗立亟召還以實文閣待制知江寧府徙杭越州蔡  
京用事再責衡州別駕竄昭州五年始得歸稍復直龍圖閣瘴疾作卒高宗卽  
位復待制贈實文閣直學士賜謚忠 邵氏聞見錄田書者字承君陽翟人故

樞密宣簡公姪也議論慷慨鄒浩志完教授穎昌與承君遊志完性懦得承君  
遇事輒自激厲元符間承君監京城門志完除言官既而朋黨之禍大起時事  
日變更承君謝病歸陽翟田舍一日報立劉氏為皇后承君諸子曰志完不言  
可以絕交矣又一日志完以書約承君會穎昌中塗承君亟往志完且言諫立  
皇后時浩之言驚矣乃得罪畱三日臨別志完出涕承君正責曰使志完隱默  
官京師遇寒疾不汗五日死矣豈獨嶺海之外能死人哉乃別去建中靖國初

承君入為大宗正 陳次升 史傳字當時興化仙游人紹聖中為御史轉  
累知淮陽軍卒 殿中時方編元祐章疏毒流搢紳次升疏諫

惇卞交惡之謫南安軍徽宗立召為侍御史遷右諫議大夫崇寧初以實文閣  
待制知穎昌府降集賢殿修撰繼又除名徙建昌編管循州政和中用赦恩復

舊職卒 通鑑輯覽崇寧二 謝文瓘 史傳字聖藻陳州人哲宗召對  
年正月陳次升貶竄循州 除秘書省正字考功右司員外

郎徽宗擢起居舍人給事中崇寧元年出知濮州尋治黨事坐元豐上疏謫邵  
武軍移處州帝披黨籍曰朕究知文瓘本末命出籍以為集英殿修撰知濟州

卒 故史無傳宋史紀事字巖起梓州人終實文閣 周鼎  
待制入黨籍全蜀菽文志載其遊定林院詩

岑象求 史傳字元功宣州南陵人元豐末累諸王府記室參軍哲  
宗未及用徽宗立擢實文閣待制遷中書舍人時紹聖黨

與尚在朝人懷異意以沮新政帝謂勣為鯁直詔與蔡京同校五朝實訓勣固  
辭奏京之惡引盧杞為喻遷給事中翰林學士勣與何執中偕事帝於王邸京

每曲意事之勣不少降節俄而遭憂京入輔執中亦預政摘勣行章惇詞以為  
詆先烈服闋主管靈仙觀入黨籍起知江寧府言者復論為元祐姦朋罷歸大

觀三年知太平州加龍圖閣直學士畱守南京除顯謨閣學士致仕卒 路  
贈資政殿學士正奉大夫 按大觀三年知太平州宏簡錄作二年

昌衡 故史傳字持政開封祥符人紹聖中以實文閣待制知開封府累知  
成都徽宗立責司農少卿分司居鄆州明年起為滁州徙南京畱

路 宋一十二

宋一十二

宋一十二

宋一十二

宋一十二

宋一十二

宋一十二



守坐前上書事落職入黨籍

**董敦逸**

故史傳字夢授吉州永豐人元祐六年以監察御史出知臨

江軍紹聖初復除監察御史歷左司諫明年出

**上官均**

史傳字彥衡邵武人哲宗立擢

知興國軍徙江州徽宗即位累遷戶部侍郎卒

**葉濤**

故史傳字致遠處州龍泉人紹聖初薦擢中

開封府推官元祐中累改提點河北東路刑獄紹聖初召拜左正言遷工部員

**郭知章**

史傳字明叔吉

外郎累知越州徽宗立入為祕書少監累知永興軍徙襄州崇寧初與元祐黨

**楊康**

籍奪職主管崇禧觀政和中復集賢院修撰

**龔原**

史傳字深之處州遂昌人紹聖中累權工部侍郎出知潤州龍泉人用薦累知和州徽宗立會布用為工部侍郎累翰林學士言者論罷知鄧州旋入黨籍數年復顯謨閣直學士政和初卒

書舍人論安燾不宜加罪蔡京劾為黨罷知光州連三

**朱紱**

史無傳

**葉祖洽**

史傳字敦禮邵武人紹聖中歷知洪州會布用事以

或謂原實使之奪職居和州起為亳州命下而卒 文獻通考續稽古錄一卷 陳氏曰祕書丞歷陽龔頤正養正撰嘗擬元祐黨籍譜得官韓氏用事時賜出 身入館頤正給事 吏部侍郎召改寶文閣待制知青州未赴布引為吏部侍郎布罷出知定州且 行大言於上徽宗怒其躁妄降集賢修撰提舉冲祐觀自是不復用久之知洪

州改亳州加徽猷閣直學士政和末年卒

**朱師服**

史無傳

餘官

**秦觀**

故史傳字少游揚州高郵人累兼國史院編修官紹聖初坐黨籍出通判杭州御史劉拯論其增損實錄貶監處州酒稅又以謁告寫

佛書為罪削秩徙郴州繼編管橫州又徙雷州徽宗立復宣德郎

還至藤州游華光亭卒 通鑑輯覽紹聖四年秦觀橫州居住

**黃庭堅**

史傳字魯直洪州分寧人哲宗立累兼國史院編修官紹聖初出知宣州改鄂州章惇蔡卞與其黨論實錄多誣貶涪州別駕黔州安置言者猶以處

善地為飢法遂移戎州徽宗即位起監鄂州稅簽書寧國軍判官知舒州以吏部員外郎召皆辭不行丐郡知太平州至九日罷主管玉隆觀除名羈管宣州

三年徙永州未聞命而卒

**晁補之**

史傳字無咎濟州鉅野人進士第一元祐初累為著作佐郎章惇當國出知齊州坐修神宗實錄失

實降通判應天府亳州又貶監處信二州酒稅徽宗立復以著作召既至拜吏部員外郎禮部郎中兼國子編修實錄檢討官黨論起為諫官管帥仁所論出

知河中府徙湖州密州果州遂主管鴻慶宮大觀末出黨籍

**張耒**

史傳字文

知達州改泗州卒 通鑑輯覽紹聖四年晁補之謫監當官 潛楚州淮陰人紹聖初請郡以直龍圖閣知潤州坐黨籍徙宣州謫監黃州酒稅徙復州徽宗立起為通判黃州歷知汝州崇寧初復坐黨籍落職主管明道

官未任頴聞蘇軾計為舉哀行服言者以為言遂貶房州別駕安置於黃五年得自便居陳州晚監南嶽廟主管崇福宮卒建炎初贈集英殿修撰

**吳安詩** 史附吳充傳充長子在元祐時為諫官起居郎通鑑輯覽吳安詩紹聖四年連州居住 **歐陽棐** 史附歐陽修傳修中子字叔衍元符末歷吏部右司二郎中以直祕閣知蔡州未幾坐黨籍廢十餘年卒續資治通鑑元符元年十月詔祕閣校理權知潞州歐陽棐落職送吏部與合入差遣坐朋附元祐權臣每希進用也又曰歐陽棐朝見帝目之語曾布曰此元祐五鬼布曰亦聞有此名元祐附麗亦必有之治郡亦常才然棐歐陽修之子登進士第修于英宗定策之際最有功帝頌之

**劉唐老** 史附見陳瓘傳云瓘論張耒黃庭堅晁補之歐陽棐劉唐老等宜在朝廷云云續資治通鑑紹聖四年十二月丁酉詔祕閣校理劉唐老落職監桂陽監稅務以唐老元祐姦黨故有是命

**王鞏** 史附王素傳素子長於詩從蘇軾游軾守滁州鞏往訪之與客游泗水登懸山吹笛飲酒乘月而歸軾待之於黃樓上謂鞏曰李太白死世無此樂三百年矣軾得罪鞏亦竄賓州數歲得還後歷宗正丞每除官輒為言者所議故終不顯

**宋詩紀事鞏字定國華縣人文正公旦之孫工部尚書素之子嘗倅揚州坐與蘇軾遊謫監筠州鹽稅入黨籍東坡詩集贈鞏詩有云清詩草聖俱入妙別後寄我書連紙**

**呂希哲** 史附呂公著鞏詩有云清詩草聖俱入妙別後寄我書連紙

**字原明哲** 初為崇政殿說書擢右司諫不拜紹聖黨論起御史劉拯論其進不由科第以祕閣校理知懷州分司南京居和州徽宗初為祕書少監改光祿

**少卿** 以在知曹州旋遭崇寧黨禍奪職知相州徙邢州罷為宮中宏簡錄希哲罷奉祠羈寓淮泗間十餘年卒 **杜純** 故

**史傳字錫** 濮州甄城人以伯父廕入官累擢侍御史言者詆其不由科第改右司馬陝西轉運使還拜鴻臚光祿卿權兵部侍郎以集賢院學士提舉崇福宮改修

**張保源** 史無傳續資治通鑑元符元年十一月癸丑三省言撰卒王鞏張保源累上書議論朝政表裏姦臣欲盡變先朝

**法度詔鞏除名勒停全州編管保源特勒停峽** **孔平仲** 故史附文仲州居住按保源字澄之見草堂寺題名石刻

**字義甫** 用薦累給事中言者詆其元祐時附會當路譏毀先烈出知衡州徙韶州坐前上書之故責惠州別駕安置英州徽宗立召為戶部金部郎中累帥鄜延環慶黨論再起罷主管兗州景靈宮卒通鑑輯覽紹聖四年孔平仲落職知衡州宏簡錄惠州別駕作思州

**衡鈞** 史無傳

**聖四年** 孔平仲落職知衡州宏簡錄惠州別駕作思州

**袞公適** 故史無傳按袞姓不見於氏族其受姓之始未詳 **馮百藥** **周誼** **孫琮**

**四人史俱無傳** **范柔中** 史附見鄧孝甫傳詳見下續資治通鑑崇寧元年九月臣僚章疏姓名分正邪三等柔中名列邪上尤甚等

**鄧考甫** 史傳作孝甫字成之臨川人積官提點開封府界河渠坐事去官元符末詔求直言孝甫年八十一上書云亂天下者新法也末流之禍將不可勝言云云蔡京嫉之謂為詆訕宗廟削籍羈筠州崇寧去黨碑釋逐臣同類者五十三人其五十人得歸惟孝甫與范柔中封覺民獨否遂

**金石錄** 卷一百四十一

**宋二十一**

**三四**

**三四**

**三四**

**三四**

**三四**

**三四**

**三四**

**三四**

卒于筠 按碑作考甫史作孝甫据其字成之考有成義則碑當不誤續資治通鑑亦作考

王察 趙岫 二人史無傳

封覺民 故史附見鄧孝甫傳詳前

胡端修 李傑 李賁 三人史無傳

趙令時 史無傳 宋詩紀事字德麟太祖次子燕王德昭元孫元祐中簽書穎州公事坐與蘇軾交通罰金入黨籍紹興初襲封安定

郡王同知行在大宗正事薨贈開府儀同三司

郭執中 石芳 金極 高公應

安信之 張集 六人史無傳

黃策 史無傳 續通鑑紹興三年七月甲子帝謂大臣曰元祐黨人

固皆賢然其中亦有不賢者乎呂頤浩等曰豈能皆賢徐俯曰若真元祐黨人豈不賢但蔡京輩凡己之所惡欲終身廢之者必名之元祐之黨是以其中不免有小人帝曰若黃策之類是也俯曰黃策乃元符末上書狂直被罪始天下皆稱之如策比者無慮十餘人策不能固窮守節陷於非義其中亦有議論前後反覆姦惡猥竄名其間如楊畏朱師服數人耳策以直祕閣通判嚴州受賂抵罪故帝及之

吳安遜 周永

徽 高漸 張夙 故四人史俱無傳

鮮于綽 史無傳 文獻通考傳信錄十卷皇朝鮮于綽

大受 呂諒卿 王貫 朱絃 吳朋 故 梁安國

五人史俱無傳 王古 史無傳 書畫譜引茅山志王古徽宗時人茅山崇禧觀碑銘崇寧五年張商英撰朝散郎簽書榮州軍州事判官廳公事輕車都尉賜緋魚袋王古書 按碑有兩王古此所載書碑之王古與前王古歷官不同因附此備攷 蘇迥 檀

固 何大受 王箴 鹿敏求 五人史俱無傳 江公望 史傳字民表睦

州人建中靖國元年由太常博士拜左司諫出知淮陽軍未幾召為左司員外郎以直龍圖閣知壽州蔡京為政編管南安軍遇赦還家卒建炎末與陳瓘同贈右諫議大夫 通鑑輯覽建中靖國元年六月罷左司諫江公望先是公望上疏言元祐人才皆出于熙豐培養之餘遭紹聖竄逐之後存者無幾陛下若立元祐為名必有元豐紹聖為之對有對則爭與爭則黨復立矣疏入會蔡王府史以語言疑似成獄王上表待罪公望乞勿以無根之言加諸至親遂坐罪崇寧二年正月陷 曾紆 史無傳 宋詩紀事字公衮布子以廕補官以黨事安置南安軍 撫州府志字公卷一作公衮善詞翰以廕補官崇寧癸未坐黨籍貶零陵與黃魯直善 江西詩徵曾紆自號空青先生有集 高士育

史無傳 鄧忠臣 故史無傳 宋詩紀事字謹思長沙人熙寧二年進編覆忠宣公謚議鄧忠臣撰後附跋云按長沙鄧忠臣字慎思宋神宗朝擢為祕書省校書郎知衡陽入為南宮舍人歷考功因覆謚忠宣公遂入黨籍出守

彭門改汝海以宮祠罷歸終于家後贈直祕閣所居玉池峰自號玉池先生  
中疑師極亦世衡之諸孫也  
韓治 史附韓琦子忠彥傳忠彥子徽宗時仕為太僕少卿出知相州以疾丐祠  
都貺

秦希甫 錢景祥 周綽 何大正 呂彥祖

梁寬 七人史俱無傳  
沈干 史無傳 曾孫暉黨籍碑跋但云後復官終提點杭州集真觀贈奉政大夫不詳其初所復何官

曹興宗 羅鼎臣 劉勃 王拯 黃安期 五人史俱無傳

陳師錫 史傳字伯備建州建陽人徽宗立拜殿中侍御史歷知穎廬滑三州坐黨論監衡州酒稅又削官安置郴州卒師錫始與陳璘

論京卡時號二陳紹興中贈官誤作紹聖于肇 黃遷 万簡錄字伯倫作伯修又紹興中贈官誤作紹聖

侯正 許堯輔 四人史俱無傳  
楊肅 史無傳 宋詩紀事字持正閩人元祐六年進士終建寧軍節度使

逢純熙 故六人史俱無傳  
高遵恪 史無傳 續資治通鑑作遵裕字公綽瓊之孫也累貶郢州團練副使哲

胡良 梅君俞 寇宗顏 張居 李修

宗即位復右屯衛將軍主管中獄廟卒贈永州團練使紹聖中崇贈奉國軍節度觀察出後  
黃才 曹盥 侯

顧道 四人史俱無傳  
林膚 史附林希傳希弟旦之子坐元符上書陷於黨籍

輝 故 宋壽岳 二人史俱無傳  
王公彥 史無傳 續資治通鑑紹興二年十月丙午左承議郎主管毫

州明道宮王公彥進秩二等以元符上書入籍故也自是黨人見在者皆還官  
王交 張溥 許安修

三人史俱無傳  
劉吉甫 史無傳 宋詩紀事云吉甫人元祐黨籍爵里未詳劉克莊後郵千家詩載其聞笛一絕

潛 董祥 楊瓌寶 倪直孺 蔣津 王守 鄧

允中 梁俊民 王陽 陸表民 葉世英 張裕

謝潛 陳唐 劉經國 故 湯鉞 故十六人史無傳 司馬

康 故史附司馬光傳光子字公休累遷校書郎光薨服除召為著作佐郎兼侍講以居喪蔬食寢地得腹疾卒贈右諫議大夫 史傳論云康濟美象賢不幸短命而死世尤惜之然

康不死亦將不免於紹聖之禍矣  
宋保國 故 黃隱 二人史俱無傳

畢仲游

史附見畢士安傳士安字子公叔與兄仲衍同登第徽宗時歷吏部郎中墮黨籍坎壞散秩而終弟仲愈歷國子監丞諸王府侍講知鳳翔府坐兄仲游陷黨籍例廢黜徽宗曰畢仲游被

常安民

史傳字希

遇先帝可除罪籍以仲愈為都官郎中擢秘書少監卒古邛州人紹聖初拜監察御史疏論蔡京內結中官外連朝士一不附已則誣以黨於元祐非先帝法必擠之而後已今在朝之臣京黨過半陛下不可不早覺悟而逐去之是時京之姦始萌芽人多未測獨安民首發之又言今大臣為紹述之說皆借此名以報復私怨朋附之流遂從而和之章疏前後至數十百上度終不能回遂丐外會布章惇比而排之董敦逸再為御史亦奏之出監滁州酒稅滿三歲通判温州徽宗立提點永興軍路刑獄蔡京用事入黨籍流落二十年政和末卒建炎四年贈諫議大夫通鑑輯覽崇寧二年正月常安民陷黨事安置温州邵氏聞見錄常安民長安人以鐫字為業多收隋唐銘誌墨本亦能篆崇寧初蔡京蔡卞為元祐黨籍刻石文德殿門又立於天下州廳長安府召安民安民辭曰乞不刻安民鐫字於碑恐後世併以為罪按長安鐫字者姓安名民居官而入黨籍者姓常名安民顯然二人邵氏聞見錄乃於安民之上加一常字遂目之為常安民自有此誤迨倪文正跋亦云石工安民乞免著名今披諸賢位中赫然有安汪行史無傳附余爽史附民在是亦誤以常安民為即安民也汪行見下文余爽史附肱傳良肱子字荀龍與兄卞皆以任子恩試校書郎元祐末極言請太皇太后還政章惇憾爽不附已摘其言為謗訕以瀛州防禦推官除名竄封州久之起

知明州未行罷監東嶽廟崇寧中與卞俱入黨籍

續資治通鑑元符元年十月己亥詔朝散郎汪行瀛州防禦推官余爽並除官勒停永不收叙衍送昭州

爽送封州編管先是蔡京薦爽章惇惡之具言元豐末爽及衍各上書詆誣先朝爽又元祐中會上書乞宣仁歸政險詐反覆故有是命鄭俠

史傳字介夫福州福清人監安上門熙寧六年七月不雨至于七年之三月流民塞道俠悉繪所見為圖上之神宗反覆觀圖翌日又下詔責躬求言越三日大雨輔臣入賀帝示以鄭俠所進圖狀群姦切齒安石去惠卿執政俠又上疏論之惠卿奏為謗訕編管汀州徙英州哲宗立始得歸元符七年再竄于英徽宗立赦之仍還故官又為蔡京所奪宣和元年卒里人揭其間為鄭公坊州縣皆祀之于學紹熙初詔贈朝奉郎

常立

史無傳字夷甫潁州汝陰人子立始為天平推官校書崇文院紹聖中蔡卞薦為祕書正字諸王府侍講崇政殿說書召對以為諫官曾布欲傾卞貶監酒稅而死

續資治通鑑紹聖三年六月癸未詔常立罷諸王府侍講差監永州酒稅初蔡卞請以立為崇政殿說書既賜對又請除諫官帝未許卞方與章惇比會布欲傾之乘間為帝言立附兩人乃於史院取立父秩行事以進有云自荆公去位天下官吏陰變新法民受塗炭公獨見幾知其必敗帝駭曰何謂必敗布言立任惇不遜帝亦切

程頤

史傳字正叔哲宗初司馬光呂公著疏齒故特與遠小處監當其行義詔以為西京國子監教授力辭

尋召為祕書省校書郎久之加直祕閣再上表辭董敦逸撫其有怨望語去官紹聖中削籍竄涪州徽宗即位徙峽州俄復官又奪於崇寧卒嘉定十三年賜

謚曰正公 通鑑輯覽紹聖四年十一月編管程頤于涪州頤時放歸田里帝  
 一時與輔臣語及元祐時曰程頤妄自尊大在經筵多不遜于是言者論頤與  
 司馬光同惡相濟削籍竄涪州河南尹李清臣即日遣欲入內別叔母不許  
 明日贖以銀一百兩頤亦不受元符三年徽宗即位十月復以程頤判西京國  
 子監頤先量移峽州等復宣德郎還洛及是受命未幾致仕 宏簡錄程頤徽  
 宗初徙峽州俄復其官自以首被大恩不供職何以仰承德意遂受一月之俸  
 致仕復奪於崇寧卒年七十五紹興初贈直龍圖閣錄其孫易為分寧令 續  
 資治通鑑崇寧二年四月追毀程頤出身以來文字范致虛又言頤以邪說詖  
 行惑亂衆聽而尹焞張繹為之羽翼乞下河南盡逐學徒頤於是遷 唐  
 居龍門之南止四方學者曰尊所聞行所知可矣不必及吾門也

**義問** 故 史附唐介傳介次子字士宣元祐中文彥博薦累集賢殿修撰知  
 廣州章惇秉政治棄渠陽罪貶舒州團練副使後七年復故官知

**頤昌** 府卒 史附余良肱傳良肱子爽兄字洪範五溪蠻叛斷渠陽道  
 渠陽軍為若紹聖初治棄渠陽罪免歸徽宗即位復奉議郎管勾 李格  
 王隆觀未幾復渠陽為靖州又論前事免終于家崇寧中入黨籍

**非** 史傳字文叔濟南人紹聖立局編元祐章奏以為檢討不就戾執政意通  
 判廣信軍召為校書郎遷著作佐郎禮部員外郎提點京東刑獄以黨籍

**陳瓘** 史傳字瑩中南劍州沙縣人徽宗即位召為右正言累權給事  
 卒 中出知秦州崇寧中除名竄袁州廉州移郴州稍復宣德郎安

置通州又徙台州居五年得自便復承事郎卜居江州移南康又移楚宣初六  
 年卒靖康初詔贈諫議大夫紹興二十六年高宗謂輔臣曰陳瓘昔為諫官甚  
 有讜議近覽所著尊堯集明君臣大分合于易天尊地卑及春秋尊王之法瓘  
 宜特贈諡以表之諡曰忠肅 通鑑輯覽建中靖國元年冬十月罷陳瓘瓘權  
 給事中曾布使客告以將帥直權曰吾與丞相議事多不合今若此是以官爵  
 相餌也吾有一書論其過且持入省布大怒信宿出瓘知秦州崇寧二年正月  
 安置連州後移郴州瓘子正策在杭訟京有動搖東宮迹杭州蔡薏執送京師  
 事下開封府併逮治瓘獄具正策以所告失實流海上瓘安置通州政和元年  
 十月羈管于台州瓘嘗撰尊堯集謂紹聖史官專據王安石目錄改修神宗史  
 變亂是非不可傳信深明証妄以正君臣之義張商英為相取其書既上而商  
 英罷瓘徙台州何執中起遷人石賊知台欲置瓘以必死賊至執瓘至庭大陳  
 獄且將脇以死告以朝廷取尊堯集意所以容辱之者百端終不能害執中怒  
 罷械瓘平生論京兄弟皆披摘其處心發露其情慝最所忌恨故得禍最酷宣  
 和四年二月管勾太平觀卒 朱子名臣言行錄載陳忠肅公遺事云公因朝  
 會見蔡京視日久而不瞬嘗以語人曰京之精神如此他日必貴然矜其稟賦  
 敢敵太陽吾恐此人得志必擅私逞欲無君自肆矣等居諫省必攻其惡京以  
 甘言啖公公曰杜詩所謂射人先射馬 任伯雨 史傳字德翁眉州眉山  
 擒賊須擒王不得已也於是攻之愈力 人累擢右正言徽宗初  
 政納用讜論伯雨首擊章惇繼論蔡京建中靖國改元當國者欲和調元祐紹  
 聖之人故以中為名伯雨言人才固不當分黨與然自古未有君子小人雜然

並進可以致治者唐德宗坐此致播遷之禍建中乃其紀號不可以不戒伯雨居諫省年歲所上一百八疏大臣畏其多言俾權給事中徙度支員外郎知虢州崇寧黨事作削籍編管通州為蔡卞所陷與陳瑾龔夬張庭堅等十三人皆南遷獨伯雨徙昌化居海上三年而歸宣和初卒紹興初贈直龍圖閣加諫議大夫淳熙

**張庭堅**

史傳字才叔廣安軍人徽宗召對除著作郎擢右正中謚忠敏言帝方銳意圖治進延忠鯁庭堅與鄒浩龔夬江公

望常安民任伯雨皆在諫列庭堅在職逾月數上封事為帝言司馬光呂公著之賢又薦蘇軾蘇轍可用頗忤旨曾布因稱其所論不當帝命徙為郎出為京東轉運判官改知汝州又改通判陳州初蔡京守蜀庭堅在幕府與相好京還朝欲引為已用庭堅不肯往京大恨遂列黨籍編管虢州徙鼎州象州久之復故官卒紹興初

**馬涓**

史無傳通鑑輯覽崇寧二年正月馬涓陷黨事安置吉州

**孫諤**

故史傳

字元忠睢陽人元祐中累官左正言紹聖治元祐黨諤言漢唐朋黨之禍其監不遠蹇序辰編類章疏諤又言朝廷當示信以靜安天下請如前詔書一切勿問章惇惡其拂已出知廣德軍徙唐州提點湖南刑獄徽宗立復為右司諫遷左司諫以疾卒宋詩紀事諤熙寧六年進士累官右正言以直龍圖閣知廣

**陳鄂**

史無傳草堂寺題名有云通判府事河南朱光裔公遠來遊紹聖

**朱光裔**

史無傳府事河南朱光裔公遠來遊紹聖

德軍卒後入黨籍蘇嘉史無傳龔夬史傳字彥和瀛州人徽宗立召拜殿中十二年三月十二日侍御史上殿抗疏辨忠邪又乞正元祐

后冊位號已而元祐后冊再廢言者論夬首尾建言詔削籍編管房州徙象州化州徙步適貶所持扇乞錢自給逢赦得歸政和元年卒紹興中累贈右諫議

夫大 王同 故史附鄒浩傳字景深仙遊人第進士元符中葉祖洽薦為睦親

慰安其母遷者以聞遠詣詔獄除名停廢徽宗立召還舊官權監祭御史數日卒錄其子渙老郊社齋郎蔡京為相奪之仍列名黨籍

希績 故史無傳通鑑輯覽字紀常公吳儔 故史無傳續通鑑

申故承議郎吳儔贈直秘閣官其家一人歐陽中立 故 尹材

儔育孫也名在黨籍故其家請而賜之

**葉伸**

故 李茂直 四人史俱無傳 吳處厚 史附姦臣蔡確傳

確嘗從處厚學賦及作相處厚通賤乞憐確無汲引意元祐中確知安州郡有

清江卒當戍漢陽確固不遠處厚怒曰爾在廟堂時數陷我今比郡作守猶爾

邪會得確車蓋亭詩引郝甌山事乃箋釋上之云郝處俊封甌山公唐高宗欲

遜位武后處後諫止今乃以比太皇太后且用滄海揚塵事此蓋時運之大變

尤非佳語譏諤切害非所宜言確遂南竄擢李積中 史附李大性傳大

處厚知衛州未幾卒紹聖開貶歙州司馬性字伯和端州四

會人其先積中嘗為御史以直言入元祐黨籍始家豫章李氏自積中三世官

于朝父子兄弟相師友而大性與弟大異大東並躋從列為名臣云按崇寧

元年九月積中名列正上等

商倚

故史無傳 宋詩紀事倚淄川人官太學博士入元祐黨籍有詩見同文館集

陳

祐

史傳作祐字純益仙井人第進士元符末以吏部員外郎拜右正言上疏徽宗曰有旨令臣與任伯雨論韓忠彥援引元祐臣僚事按賈易岑象求

豐稷張耒黃庭堅龔原晁補之劉唐老李昭玘人才均可用特迹近嫌疑而已今若分別黨類天下之人必且妄意陛下逐去元祐之臣復興紹聖政事今紹

聖人才比肩于朝一切不問元祐之人數十輒攻擊不已是朝廷之上公然立黨也遷右司諫又論章惇蔡京蔡卞郝隨鄧洵武忤旨通判滁州下乞貶伯雨

等祐在數中編管澧州從歸州復承議郎卒

虞防

李祉

李深

三人史俱無傳 通鑑輯覽崇寧

年正月李深安置復州

李之儀

史附李之純傳之純從弟字端叔登第幾三十年乃從蘇軾於定州幕府元符中累監內香藥庫御史

石豫言其嘗從蘇軾辟不可以任京官詔勒停徽宗初提舉河東常平坐為范純仁遺表作行狀編管太平徙唐州終朝請大夫

范正

平

史附范純仁傳純仁子字夷紹聖中為開封尉蔡京蓄恨正平及當國言正平矯撰父遺表文李之儀所述純仁行狀妄載中使蔡克明傳二聖

虛佇之意遂以正平逮之儀克明同詣御史府正平就獄捶楚甚苦皆欲証服獨克明日舊制凡傳聖語受於御前請寶印出注籍於內東門使從其家得

永州傳宣聖語本有御寶又驗內東門籍皆同獄遂解正平羈管象州家屬死者十餘人會赦得歸潁昌以壽終

曹益

楊琳

二人史俱無傳

蘇昞

史傳字季明武功人始學於張載而事二程卒業元祐末呂大中薦之起布衣為太常博士坐元符上書入邪籍編管僂

州卒 草堂寺有蘇昞題名元符三年二月與李援甯祖武陳去華段勺同遊

葛茂宗

劉謂

三人史俱無傳

柴袞

洪羽

史無傳 宋詩紀事洪羽字龜父南昌人黃山谷之甥與弟芻駒父炎玉父羽鴻父俱有才名號四洪陳振孫書錄

解題云洪氏兄弟四人其母黃魯直之妹不淑早世所為賦毀壁者也龜父累舉進士不第其季弟羽鴻父坐上書元符中入黨籍終其身詩不傳于世

趙天佐

李新

扈充

張恕

陳并

五人史俱無傳

洪

芻

史無傳 宋詩紀事芻字駒父紹聖元年進士崇寧中入黨籍靖康中為諫議大夫汴京失守坐為金人括財流沙門島卒

周鏐

蕭利

趙越

滕友

江洵

方适

許端卿

七人史俱無傳

李昭玘

史傳字成季濟南人累提點永興京西京東路刑獄坐元符黨奪官徽宗立召為右司員外郎遷太常少卿崇寧初詔以昭玘

嘗傾搖先烈改元豐勅條倡從寬之邪說罷主管鴻慶宮遂入黨籍中居閑十五年自號樂靜先生寓意法書圖畫貯于十囊命曰燕游十友自序以為與今人友或趨附而陷于禍吾寧與十者友久益有味也晚知歙州辭不行靖康初復以起居舍人召而已卒紹興初追復直徽猷閣

向紉



陳察

鍾正甫

三人史俱無傳

高茂華

史無傳

宋詩紀事云字秀實呂去仁稱其人物高

遠有出塵之姿入元祐黨籍

楊彥璋

史無傳

廖正一

史無傳

宋詩紀事字略號竹林居士安陸人元

豐二年進士元祐中召試館職除祕書省正字出知常州紹聖間入黨籍貶監

玉山稅郡齋讀書志廖明略元祐中召試館職蘇子瞻在翰林見其所對策

大奇之俄

宋詩紀事字炳大崇寧間

除正字

李夷行

史無傳

宋詩紀事字炳大崇寧間

都水丞出為泗州守入元祐黨籍

彭醇

梁士能

二人史俱無傳

武臣

張弼

李備

故

王獻可

故

胡田

馬諗

五人史俱無傳

王履

史無傳

宋詩紀事字坦翁開封人元祐初從父景琚南郊恩為三班奉職元符上書編置新州入黨籍靖康初除相州觀察使屢駕被雷死

之三朝北盟會編載其臨難歌云矯首向天兮天卒無言忠臣效死兮死亦何憊

趙希夷

史無傳

宗室世系表太祖次子燕王

德昭九世孫希夷乃秉義郎子維之曾孫昭祀之孫師靈之子事跡無攷

任濟

郭子旂

錢盛

史俱無傳

趙希德

史無傳

宗室世系表太祖次子燕王德昭九世孫希德乃武翊大夫子極之曾孫伯摩之孫師與之子事蹟無攷

王長民

李永

故

王庭臣

吉師雄

李愚

吳休復

故六人史俱無傳

崔昌符

史無傳

按史有崔台符字平叔蒲陰人申明法科累官至光祿大夫元祐初

御史林旦上官均發其惡出知潞州又貶秩徙相州後兼監牧使卒或與昌符為兄弟行識以備攷

潘滋

高士權

李嘉亮

李琬

劉延羣

五人史俱無傳

姚雄

史附姚兕傳兕子字毅夫年十

入佐父征伐哲宗朝累加防禦使建中靖國初議棄涇州詔訪雄利害雄以為可棄徙雄知熙州進華州觀察使蔡京用王厚復河湟治棄地罪停雄官光州

居住三年得自便後論為責輕復竄金州明年聽歸高永年死起

李基

史無傳

內臣

梁惟簡

故

史附見顧臨傳云中人梁惟簡坐嘗事宣仁太后得罪過洛臨與之宴集又附見陳衍傳以援引張士良梁知新以黨附皆得

罪

陳衍

故史宦者傳開封人以内侍給事殿庭累官供備庫使梁惟簡薦諸宣仁聖烈皇后主管高韓王宅累出爲真定路都監御

史來之邵方力詆元祐政事首言衍在垂簾日交結戚里進退大臣力引所私俾居耳目之地坐貶監郴州酒稅務又編管白州徙配朱崖章惇起獄誣元祐諸老大臣云結衍輩以謀廢立士良嘗與衍同在宣仁后閣自郴州召之使宣其說士良至但言宣仁彌留之際衍嘗可否二府事及用御寶付外而已鍛鍊無所得安惇蔡京乃奏衍疏隔兩宮斥隨龍內侍十餘人于外以翦除人主心羽翼意在動搖大逆不道乃詔處死令廣西轉運使程節洩其刑朱子名臣言行錄引范諫議遺事陳衍初管當御藥院公爲諫議就居城西白家巷東鄰陳衍園也衍每至園中不敢高聲謂同列曰范諫議一言到上前吾輩不知死所矣

張士良

史無傳附見陳衍傳詳上月戊午三省言究治前皇城使張士良辭服士良以御藥院官給事宣仁聖烈皇后與陳衍更直宮中掌文書其所從違某事皆衍輒

自子奪頌降未嘗以聞間有臣僚奏請東朝還政者衍匿其奏置櫃中不以聞東朝亦不以聞於帝於是蔡京安惇言司馬光劉摯呂大防等交通中人張茂則梁惟簡陳衍之徒獵取高位盡變先帝成法深懼陛下下一日親政則必有欺君罔上之刑乃同視却慮密爲傾搖之計於是疏隔兩宮及隨龍內侍十人悉一存者以翦陛下之羽翼大逆不道死有餘責陳衍罪在不赦亦乞更賜審問正以國法詔誅衍於崖州徙士良羈管白州

梁知新

故史無傳附見

陳衍傳詳上

李倬

譚辰

竇鉞

趙約

黃卿

從 馮說

曾燾

蘇舜民

楊偁

梁弼

陳恂

十一人

張茂則

故史宦者傳字平甫開封人初補小黃門五遷至西頭

史無傳 紹聖論元祐人以茂則嘗預任使追

張琳

裴彥臣

李偁

故 閻守勲

王紱

李穆

蔡克明

王化基

王道

鄧世昌

鄭居簡

張祐

王化臣

十三人 史無傳

爲臣不忠曾任宰臣

王珪

史傳字禹玉成都華陽人哲宗立累進金紫光祿大夫封岐國公卒謚教高道 裕子士京上奏言珪欲立雍王由是得罪追貶萬安軍司戶參軍制諸子籍徽宗卽位還其官封蔡京秉政復奪贈謚政和中復之 按王珪原在御書百二十人數內其後與章惇別 爲一籍不知孰本何以少此人

章惇


史姦臣傳字子厚建州浦城人進士舉甲科哲宗卽位累知樞

密院事宜仁聽政惇與蔡確矯唱定策功確罷惇不自安乃駁司馬光所更役  
法累數千言宣仁怒黜知汝州哲宗親政有復熙寧元豐之意首起惇為尚書  
左僕射兼門下侍郎於是專以紹述為國是凡元祐所草一切復之引蔡卞林  
希黃履來之邵張商英周秩翟思上官均居要地任言責協謀朋姦報復仇怨  
小大之臣無一得免死者禍及其孥甚至詆宣仁后謂元祐之初老姦擅國又  
請發司馬光呂公著冢斲其棺哲宗不聽惇意不愜請編類元祐諸臣章疏遂  
治劉安世范祖禹諫禁中程乳媼事又起同文館獄命蔡京安惇憲序辰窮治  
欲覆諸人家又議察訪嶺南將盡殺流人哲宗曰朕遵祖宗遺制未嘗殺戮大  
出其釋勿治然重得罪者千餘人或至三四論徙天下寃之惇用邢恕為御史  
中丞惇託司馬光語范祖禹曰今主少國疑宣訓事猶可慮又誘高士京上書  
言父遵裕臨死屏左右謂士京曰神宗彌留之際王珪遣高士充來問曰不知  
皇太后欲立誰我叱士充去之皆欲誣宣仁以此實之惇遂追貶司馬光王珪  
結中官郝隨為助欲追廢宣仁后白皇太后太妃皆力爭之哲宗感悟焚其奏  
隨規知之密語惇與蔡卞明日惇卞再言哲宗怒曰卿等不欲朕入英宗廟乎  
惇卞乃已惇又以皇后孟氏元祐中宣仁后所立迎合郝隨勸哲宗起掖庭祕  
獄託以左道廢后瑤華宮其後哲宗頗悔乃歎曰章惇壞我名節哲宗崩徽宗  
立遷惇特進封申國公為山陵使靈輿陷澤中踰宿而行言者劾其不恭罷知  
越州尋貶武昌軍節度副使潭州安置右正言任伯雨論其欲追廢宣仁后又  
貶雷州司戶參軍徙睦州死政和中追贈觀文大學士紹聖五年高宗閱任伯  
雨章疏手詔曰惇詆誣宣仁后欲追廢為庶人賴哲宗不從其請使其言施用

豈不上昇蔡確貶昭化軍節度副使子孫不得仕于朝詔下海內稱快 通鑑  
輯覽建中靖國元年二月章惇貶雷州司戶參軍初蘇轍謫雷不許占官舍遂  
就民屋惇又以為強奪民居下州究治以儆衆長明乃止至是惇問舍於民  
曰前蘇公來為章丞相幾破我家今不可也後徙睦州死 續資治通鑑崇寧  
四年十一月己未舒州團練副使湖州安置章惇死惇四子連登科無顯者死  
之日羣妾分爭金帛停屍數日無人在側為鼠食其一指 又曰有虞仙姑者  
年八十餘蔡京嘗具飯招仙姑見大貓指而問  
京曰識之否此章惇也意以諷京京大不樂



文化



金石錄卷之百四十四

三三

